



大日本史記  
本紀

七





僧  
775  
卷

大日本史卷二十一



桓武天皇

本紀第二十一

權中納言從三位源光圀修  
男權中納言從三位綱條校

桓武天皇諱山部光仁帝長子也母夫人高野氏以  
天平九年生焉一代要記天平寶字八年十月叙從  
五位下天平神護二年十一月進位一階為大學頭  
寶龜元年八月叙從四位下為侍從十一月為親王  
三年三月任中務卿三年五月皇太子廢明年正月



二日戊寅

水鏡為十四日說詳前紀

群臣請定儲貳廷議不一參

議藤原濱成請立稗田親王帝欲立酒人內親王參

議藤原百川推天皇日夜力請帝從之遂立天皇為

皇太子

水鏡

天應元年四月三日辛卯皇太子受禪即

天皇位

水鏡要記皇紀帝王編年記皆為二十日即位而本書及日本紀畧曰是日受禪即位

未知諸書何據

尊光仁帝曰太上天皇皇年代畧大中臣清

麻呂為右大臣藤原魚名為內大臣如故公卿補任四日

壬辰立皇弟早良親王為皇太子十四日壬寅以中

納言藤原田麻呂兼東宮傳十五日癸卯詔尊夫人

高野氏為皇太夫人進諸社神官位賜僧綱及老年

僧尼物賑恤高年窮乏孝義者免天下今年田租進

群臣位有差夏五月四日壬戌地震十三日辛未又

震十六日甲戌伊勢言鈴鹿關城門自鳴十七日乙

亥始置中宮職

據延曆三年十一月文中宮者皇太夫人高野氏也類聚國史職原抄以此為中宮職之始今考本書聖武紀天平九年

書中宮者不一非始于此而本書曰始置未詳六月

月戊子朔詔曰先王之置百官量材授能職員有限

厥後務繁乃置員外近古因循其流益廣譬以十年

更成九牧民之受弊寔由是焉朕肇膺寶曆君臨區

夏言念生民情深撫育思欲除其殘害躋之仁壽內

外文武員外之任一皆罷之但郡司軍教不在此限



又在外國司多乖朝委或未知欠倉且用公廩或不  
畏憲綱肆漁百姓故今擇其苛濫尤著者秩雖未滿  
隨事貶降自今以後內外官人立身清謹處事公正  
者所司審訪授以顯官其在職貪殘狀迹濁濫者宜  
遣巡察採訪黜降庶使激濁揚清變澆俗於當年憂  
國撫民追淳風於往古十二日巳亥地震十八日乙  
巳赦流人弓削淨人廣方等二十二日巳酉地震二  
十三日庚戌右大臣大中臣清麻呂致仕二十四日  
辛亥太白晝見二十七日甲寅以內大臣藤原魚名  
爲左大臣中納言藤原田麻呂爲大納言兼近衛大將

中納言藤原是公爲式部卿兼中衛大將太白晝見  
秋七月五日壬戌詔曰朕以不德陰陽未和普天之  
下炎旱經月朕爲民父母遭此靈譴雖竭至誠未感  
霈澤顧念囚徒特宜矜愍其赦天下六日癸亥駿河  
言富士山雨灰十九日丙子河內言尺度池變成血  
色甚腥八月二十五日辛亥陸奧按察使藤原小黑  
麻呂至自伐蝦夷冬十月十日乙未地震二十五日  
庚戌下總葛飾郡女子一產三子賜穀糶糶母十一月  
三日丁巳地震八日壬戌近江言木連理十三日丁  
卯大嘗二十七日辛巳地震十二月十二日丙申又



震十七日辛丑三品禊田親王薨二十日甲辰詔曰  
朕以不德恭養洪基夙興夜寐思求政道克已勞心  
志在孝敬而精誠徒切未能感天頂者太上天皇聖  
體不豫宗社盡禱珪幣相尋頻移晦朔未見効驗顧  
惟虛薄責在朕躬撫事思慙戴天慙惕有靈之類莫  
重於人刑罰或差乃致冤感思降惠澤式資聖躬宜  
大赦天下常赦不免者咸皆赦除二十三日丁未太  
上天皇崩詔曰朕精誠無感奄及凶閔痛酷之情纏  
懷終身之憂永結欲諒闇三年以申罔極而群公卿  
士咸言宗廟不輕萬機是重不可一日曠官也伏乞

準後奈保山朝廷總斷萬機一同平日者朕以霜露  
未變荼毒尚深一旦從吉非臣子道宜天下著服六  
月乃釋始自今月二十五日諸國郡司於廳前舉哀  
三日遠道以符到日爲始二十四日戊申地震二十  
六日庚戌兵庫南院東庫鳴二十七日辛亥敕曰前  
緣群卿奏天下著服以六月爲限但朕孝誠無効慈  
蔭長違結慕霜葉無復萊顏之日緬懷風教終虧侍  
謁之期終身之痛恒深罔極之懷彌切宜改前敕以  
一年爲限

延曆元年壬戌春正月七日庚申葬光仁天皇癸未



晦大赦百官不釋素服閏月十三日丙申地震十四日丁酉因幡守氷上川繼謀反事覺流于伊豆三島其黨三十餘人貶黜有差十五日戊戌地震二月十八日辛未空中有聲如雷十九日壬申地動三月九日辛卯有虹繞日二十六日戊申以厭魅乘輿流從四位下三方王及其妻弓削女王於日向正五位下山上船主於隱岐夏四月十一日癸亥詔曰朕君臨區宇撫育生民公私彫弊情實憂之方欲屏此興作務茲稼穡政遵儉約財盈倉廩今者宮室堪居服翫足用佛廟云畢錢價既宜且罷造宮敕旨二省法花

鑄錢兩司以充府庫之寶而崇簡易之化造宮敕使雜色匠手隨其才幹隸於木工內藏寮等餘配本司十三日乙丑有白狐過重閣門十六日戊辰遣使畿內祚<sup>祈</sup>雨二十七日己卯敕免畿內兵士之調五月十二日甲午倭奧百姓數遭兵亂未來集救後三年六月十四日乙丑左大臣藤原魚名坐事免是日地震二十一日壬申以大納言藤原田麻呂爲右大臣秋七月三日甲申雷雨大藏東長藏災內厩寮馬二震死十一日壬辰解雜色長上五十四人廢餅戶散樂戶二十五日丙午詔曰朕以不德臨馭寰區憂萬姓



之未康憫一物之失所况彼去歲無稔懸罄之室稍  
多今年有疫夭殍之徒不少朕爲民父母撫育乖術  
靜言於此還慙於懷又顧彼有罪責深在予若非滌  
蕩何以自新宜大赦天下是日地震二十七日戊申  
天皇移御敕旨宮二十九日庚戌公卿奏聖體不豫  
延引旬日請除凶服天下從吉詔曰朕以霜露未變  
荼毒如昨方遂諒闇以申罔極而群卿再三執奏以  
宗廟社稷爲諭事不獲已一依來奏其諸國釋服者  
待袂使到而釋不得飲酒作樂著雜彩八月辛亥朔  
百官釋服十九日己巳詔曰殷周以前未有年號至

于漢武始稱建元自茲厥後歷代因循是以繼體之  
君受禪之主莫不登祚開元錫瑞改號朕以寡德纂  
兼洪基託于王公之上君臨寰宇既經歲月未施新  
號今者宗社降靈幽顯介福年穀豐稔徵祥仍臻思  
與萬國喜此休祥宜改天應二年爲延曆元年其賜  
天下有位諸社神官宮内外文武官把笏者爵一級冬  
十一月十三日辛卯有光挾日其形似虹日上後有  
光向日長可二丈十二月二十四日壬申詔曰朕雖  
除諒闇哀感感尚馭霜露既變更增階姑之悲風景惟  
新彌切循陔之戀來年元正宜停賀禮是歲武藏淡

感



路土左和泉飢賑恤之

二年癸亥春正月戊寅朔廢朝二十三日庚子地震  
三月十九日丙申右大臣兼近衛大將藤原田麻呂  
薨夏四月十八日甲子立夫人藤原乙牟漏爲皇后  
十九日乙丑敕坂東諸國曰蠻夷猾夏自古有之非  
資干戈何除民害是知加徂征於有苗奮薄伐於獫  
狁先王用兵良有以也自頃夷倖猖狂邊陲失守事  
不得已頻動軍旅遂使坂東之境恒疲調發播殖之  
輦久倦轉輸念此勞弊朕甚愍之今遣使存慰闕倉  
優給六月丙午朔出羽言雄勝平鹿二郡爲賊被畧

彫弊已甚敕給復三年秋七月十九日甲午以大納  
言藤原是公爲右大臣冬十月十四日戊午行幸交  
野放鷹遊獵十六日庚申詔免交野郡今年田租賜  
高年及從者物十八日壬戌車駕還宮十一月甲戌  
朔日有食之十二月六日戊申敕禁豐富百姓出舉  
錢財貧乏之民宅地爲質及京師諸寺貪求財利取  
宅爲質

三年甲子春二月二十四日乙丑本書作己丑今以  
推甲子正之以  
從三位大伴家持爲持節征東將軍從五位上  
與企爲副夏五月十三日癸未攝津職言蝦蟇二萬



許從難波市入四天王寺十六日丙戌以將遷都敕  
遣中納言藤原小黑麻呂從三位藤原種繼等相山  
背乙訓郡長園村之地二十四日甲午攝津職獻白  
燕六月十日己酉遣使長園經始都城營作宮殿十  
二日辛亥普光寺僧獻赤烏十三日壬子遣參議近  
衛中將紀船守於賀茂神社奉幣告遷都秋七月三  
日癸酉修造山崎橋九月五日癸酉京師大雨壞民  
廬舍賑之二十七日乙未太白晝見閏月十日戊申  
河內淡田郡堤決發單功築之十七日乙卯幸右大  
臣藤原是公田村第宴飲冬十月二十一日戊子越

後言蒲原郡人三宅笠雄麻呂散私稻救寒饑修道  
橋濟艱險積行經年誠合舉用因授從八位上丁酉  
晦敕曰如聞京師多盜掠物放火宜作鄰保檢察非  
違一如令條其遊食博戲之徒不論蔭贖決杖一百  
放火却略之類不必拘法懲以殺罰勤加捉搦遏絕  
斫冗十一月戊戌朔日南至敕賜公卿以下物免京  
畿今年田租三日庚子詔曰民惟邦本本固國寧民  
之所資農桑是切比者諸國司等厥政多僻不愧撫  
道之乖方唯恐侵漁之末巧或廣占林野奪蒼生之  
便要或多營田園妨黔黎之產業百姓彫弊職此之



由宜加禁制懲革貪濁自今以後國司等不得公廨  
田外更營水田又不得私貪墾闢侵農桑地如有違  
犯者所關所収悉皆沒官即解見任科違敕之罪十  
一日戊申本書為甲子干支錯天皇從長岡宮二十  
八日乙丑修賀茂下上松尾乙訓四社十二月二日  
己巳詔賜造宮有勞者爵免貢役夫國今年田租六  
日癸酉遣使畿內七道大被奉幣天神地祇十三日  
庚辰詔禁王臣諸司及寺家兼并山林藪澤而專其  
利其諸氏塚墓不得斫損

四年乙丑春正月丁酉朔御大極殿受朝十五日辛

亥以參議紀船守兼近衛大將二十二日戊午安房  
言漂大魚五百餘於海岸夏四月甲午晦有赤雀集  
于皇子宫旬日不去五月三日丁酉詔曰臣子之禮  
必避君諱比者先帝御名及朕諱公私觸犯不忍聞  
焉自今以後並宜避諱於是改姓白髮部為真髮部  
山部為山代十九日癸丑詔頒赤雀之瑞於天下賜  
內外文武官把笏者爵一級免山背今年田租二十  
六日庚申遣使畿內祈雨二十七日辛酉地震六月  
二十四日丁亥敕京畿七道括戶口勅浮浪六月以下三代  
格秋七月二十日癸丑敕錄上僧尼有德行者又敕



造宮役夫宜賜其功於是和雇諸國百姓三十一萬  
四十人二十四日丁巳赦夫正稅者國家之資水旱  
之備也而比年國司苟貪利潤費用者衆官物減耗  
倉廩不實職此之由自今以後嚴加禁止八月二十  
四日丙戌行幸平城宮九月三日乙未地震七日巳  
亥遣朝原內親王侍太神宮八日庚子獵于水雄園  
二十三日乙卯盜射殺中納言藤原種繼二十四日  
丙申車駕至自平城救搜捕賊黨推鞠事連皇太子  
誅首惡左少辨大伴繼人斬流其黨二十八日庚申  
廢皇太子幽于乙訓寺二十八日以下紀畧水鏡冬十月四日丙

寅遣使檢畿內田八日庚午遣使山科田原後佐保  
陵告廢皇太子遂流于淡路道卒遂流以下紀畧水鏡二十七  
日巳丑河內隈壞三十所發單功三十萬七千人築  
之十一月八日庚子以誣告謀反流能登守三國廣  
見於佐渡十日壬寅祀天神於交野柏原以賽宿禰  
二十五日丁巳立皇子安殿親王爲皇太子大赦天  
下以大納言中務卿藤原繼繩爲傳是歲周防飢疫  
出羽丹波年穀不登百姓饑饉河內洪水遠江下總  
常陸能登大風損稼賑給之

五年丙寅春正月二十一日壬子造梵釋寺二十八



日己未地震夏五月三日辛卯以京邑新建民未豐  
贍詔賜左右京及東西市人物有差六月乙未朔敕  
撫育百姓糾察部內國郡官司所共掌也頃年正倉  
有火獨罪郡司不罪國守豈合法意自今宜奪國司  
等公廩贖所失官物其郡司者不在會赦之限秋七  
月十九日丙午太政官院成百官始就朝座八月八  
日甲子以征蝦夷遣從五位下佐伯葛城於東海道  
紀勝長於東山道簡軍士檢戎器冬十月二十八日  
甲申改葬光仁天皇  
六年丁卯春正月二十一日丙午敕陸奥按察使禁

王官百姓與夷俘交關

三代格

三月二十日甲辰詔曰

養老之義著自前修歷代皇王率由斯道方今時屬  
東作民趨南畝迺瞻蒼生情汲矜恤其賜京畿七道  
民年八十已上穀及鰥寡孤獨廢疾者宜令長官親  
至鄉邑存情賑贍夏四月十六日庚午山背獻白雉  
秋七月八日己未太白晝見八月二十四日甲辰幸  
高椅津還過大納言藤原繼繩第冬十月八日丁亥  
詔曰朕君臨四海于茲七歲未能使生民共洽淳化  
率土咸致雍熙顧惟虛薄良以慙嘆而今歲天下豐  
稔思與百姓慶此有年其賜天下高年穀賑恤鰥寡



狐獨疾疾之徒免乙訓郡出舉未納十七日丙申獵于交野二十日己亥還宮十一月五日甲寅遣大納言藤原繼繩祀天神及光仁天皇於交野

七年戊辰春正月十五日甲子皇太子加元服於前殿赦天下三月二日庚戌敕運糧於陸奥多賀城糶三日辛亥發坂東諸國步騎五萬二千八百餘人限來年三月會于多賀城以征蝦夷夏四月三日庚辰遣使畿內祈雨十日丁亥奉馬丹生川上十一日戊子敕五畿內頃者亢旱累月溝池乏水宜令所司不問王臣家田有水之處聽百姓播種勿失農時十六

日癸巳自去冬不雨亘五月是日天皇沐浴出庭親禱俄而澍雨群臣舞蹈稱萬歲因賜五位以上御衣及衣五月二日己酉詔宜差使祈雨伊勢神宮及七道名神是夕大雨自此屢雨遂得播殖秋七月四日己酉太宰府言去三月大隅曾乃峯焚響如雷六日辛亥以參議中衛中將紀古佐美爲征東大將軍九月二十六日庚午詔曰朕以眇身忝承鴻業水陸有便建都長罔而宮室未就興作稍多徵發之苦頗在百姓今聞造宮役夫短褐不完類多羸弱朕深傷焉凡出役夫之國今年出舉不論正稅公廩一切減其



息利冬十月二日丙子雷雨暴風壞民廬舍是歲僧

最澄創根本中堂于比江山是歲以下水鏡要記

八年己巳春正月甲辰朔日有食之二十八日辛未

敕大學寮諸學生年不滿三十不得任用二十八日以下三代

格二月二十七日庚子移自西宮始御東宮三月九

日辛亥諸國軍士會于多賀城分遣討賊十日壬子

遣使奉幣帛於太神宮告征蝦夷秋七月十四日甲

寅敕伊勢美濃越前等國曰置關之設本備非常今

正朔所施區宇無外徒設關險莫用防禦遂使中外

隔絕既失通利之便公私往來每致暫留之苦宜廢

三國關運其兵器糧糶於國府移館舍於便郡八月

己亥晦敕免陸奧徒役者今年田租給彼二年九月

八日丁未征東大將軍紀古佐美還自陸奧十九日

戊午敕責古佐美等逗遛敗軍之罪解鎮守副將軍

池田真枝安倍黑繩等官是日右大臣兼中衛大將

藤原是公薨冬十月十日戊寅以大納言藤原繼繩

兼中衛大將二十三日辛卯以從五位下巨勢野足

為陸奧鎮守副將軍十二月二十三日庚寅敕頂者

中宮不豫宜使天下諸寺讀大般若經二十八日乙

未中宮高野氏崩本書皇太后崩而追上皇太皇尊號在明年此從其實書中宮明年



書皇是歲伊賀安房紀伊伊勢志廣下野美作備後

太后編年記曰是歲天皇行幸住吉社而

飢賑給之本書紀畧水鏡等書所不載故不取

九年庚午春正月戊戌朔廢朝十五日壬子葬皇太

后按本書皇太后崩下文曰九年追上尊號曰皇太

后然而無月日蓋在此日然無明文故闕而不書

二月二十七日甲子以大納言藤原繼繩為右大臣

三月三日庚子停節宴閏月十日丙子皇居藤原氏

崩十一日丁丑天皇移近衛府十六日壬午詔曰朕

以寡德臨御寰區國哀相尋災變未息轉禍為福德

政為先思布仁恩用致安穩宜大赦天下延曆三年

已往天下負租調庸未納咸免之二十八日甲午葬

皇后二十九日乙未以征蝦夷救坂東諸國備糗糧

十四萬斛夏四月五日辛丑敕太宰府造鐵冑五月

二十一日丙戌遣使畿內祈雨二十九日甲午詔奉

幣畿內名神以祈雨六月十三日戊申以諒闇行神

今食於神祇官曹司秋九月三日丙寅以皇太子不

豫敕誦經於京師七寺十一日甲戌奉相嘗幣帛于

太神宮十三日丙子詔曰朕以寡昧忝馭寰區盱食

宵衣惜存撫育而至和靡屆炎旱為災田疇不治農

畝多廢雖豐儉有時而責澂在予今開京畿失稔甚

於外國且疾疫飢饉宜免京畿今年田租十六日已



卯攝津職獻白鼠冬十月二日甲午復置鑄錢司十  
四日丙午召見道守東人於禁內時年百十二顏如  
少年賜衣服遣之十九日辛亥賞征蝦夷有功者四  
千八百四十餘人授勳進階二十一日癸丑太政官  
奏蝦夷千紀餘孽未絕坂東之國久苦戎役強壯疲  
筋力貧弱困轉餉而諸國百姓未被徵發普天之下  
同日皇民至於舉事何无均勞請使京畿七道諸國  
司等不論土著浮浪王臣佃戶檢錄財堪造甲者所  
蓄物數及鄉里姓名上之奏可十一月十五日丁丑  
地震十七日己卯以諒闇行新嘗於神祇官二十七

日己丑詔以兵役疫旱免坂東諸國今年田租十二  
月十三日甲辰地震是歲伯耆紀伊淡路參河飛驒  
美作備前備中阿波和泉遠江近江美濃上野丹波  
播磨太宰府所部飢恚賑給之秋冬豌豆瘡流行京  
畿最甚

十年辛未春正月壬戌朔廢朝十八日己卯以將征  
蝦夷遣正五位上百濟俊哲從五位下坂上田村麻  
呂於東海道藤原真鷲於東山道檢閱兵士戎器二  
月二十一日辛亥以陸奧外文室大原兼鎮守副將  
軍三月六日丙寅詔始行吉備真備大和長岡所刑



定律令十七日丁丑敕令右大臣以下五位以上造  
甲其數有差二十三日癸未太政官奏請廢親盡之  
國忌許之二十六日丙戌敕京畿七道國郡司造甲  
夏四月十八日戊申遣使修山背諸寺浮圖二十七  
日丁巳車駕幸彈正尹神玉第五日乙丑以諸  
國旱疫停節宴六月庚寅朔日有食之二十六日乙  
卯奉馬丹生川上神秋七月庚申朔奉幣畿內名神  
祈雨十三日壬申以從四位下大伴第麻呂爲征夷  
大使正五位上百濟俊哲從五位上丹治比瀨成從  
五位下坂上田村麻呂巨勢野足爲副二十二日辛

巳伊豫獻白雀二十七日甲戌罷鷹戶八月三日辛  
卯夜盜燒大神宮正殿財殿門垣五日癸巳置畿內  
班田使十四日壬寅遣參議中衛大將紀古佐美神  
祇伯大中臣諸魚等於伊勢奉幣帛以謝神宮火又  
遣使修造神殿九月十七日甲戌轉平城宮門移于  
長岡宮禁伊勢尾張近江美濃若狹越前紀伊等百  
姓殺牛用祭漢神二十三日庚辰以征東副使百濟  
俊哲兼陸奧鎮守將軍冬十月十日丁酉獵于交野  
十三日庚子還宮二十五日壬子敕坂東諸國作征  
箭二十七日甲寅皇太子詣大神宮以賽宿禱十一



月三日己未敕坂東諸國備糗糒十二萬餘斛十一日丁卯皇太子至自伊勢是歲豐後日向大隅紀伊飢賑給之

十一年壬申春正月九日甲子御猪隈院觀五位已

上射賜中者錢史類聚國二十日乙亥獵于登勒野類聚

國史二十七日壬午地震史類聚國二十九日甲申白氣

貫日史類聚國二月六日辛卯獵于水生野史類聚國十八日癸卯獵

于大原野史類聚國二十七日壬子獵于栗前野遂幸

故右大臣藤原是公別業史類聚國二十八日癸丑使諸

衛府守平城故宮史類聚國二十九日甲寅車駕巡京師遂

幸兵部大輔藤原乙叡第史類聚國三月十一日乙丑

幸稻谷二十一日乙亥美作獻白雉二十四日戊寅

修造太神宮史類聚國是日曲宴賜五位以上錢有差史類聚國

夏四月二十一日乙巳以從四位下大中臣諸魚為

近衛大將五月六日己未以頻年旱災停騎射十七

日庚午幸葛野川御右大臣藤原繼繩別業六月甲

申朔天寒人或著絮五日戊子奉幣畿內名神祈皇

太子病二十二日乙巳雷雨大水式部省南門倒史類聚國

秋七月二十七日庚辰敕曰送終之禮必從省要如

聞豪富之室市鄽之人猶競奢靡不遵典法妄結隊



伍假設幡幢諸如此類不可勝言貴賤無差資財損  
耗既定之後酣醉而歸非唯虧損風教實亦溷蠹公  
私宜令所司嚴加捉搦三代格八月九日辛卯大雨洪  
水十一日癸巳幸赤目崎觀漲十二日甲午遣使賑  
贍遭水百姓紀畧九月獵大原野于栗前野冬十月十  
四日乙未獵于大原野類聚國史二十六日丁未罷相模  
獻搗伊豫獻瓜十一月壬子朔日有食之紀畧二十五  
日丙子大雪賜駕輿丁巳上綿有差類聚國史閏月  
壬子朔下新令八十三條于驛正臺八日戊子巡幸  
諸院類聚國史紀畧十二日壬辰伊豫獻白鹿紀畧是月獵于

水生野于葛葉野于大原野于石作丘于登勒野類聚國史

十二年癸酉春正月十四日癸巳始讀藥師經於宮  
中令天下禁殺生七日類聚國史十五日甲午以將遷都

遣大納言藤原小黑麻呂左大辨紀古佐美等於葛  
野郡宇太村相地十七日丙申停射二十一日庚子  
以撤毀宮故遷御東院紀畧二月四日癸丑獵栗前野

幸伊豫親王別業類聚國史十日己未大學寮言牲用全  
體一遵禮法許之紀畧是月獵于栗前野于水生野類聚國史三月己卯朔車駕巡幸新京紀畧九日丁亥改攝津



職為國三代格 十二日庚寅築新京宮城是春遣使

賀茂伊勢及山階田原山陵告遷都夏四月三日辛

亥幸葛野御藤原繼繩別業二十八日丙子制凡合

度法者非習漢音勿令得度紀 五月十六日癸巳敕

山背攝津放生類聚 六月八日乙卯祈雨二十三日

庚午課諸國造新宮諸門秋七月七日癸未御馬埒

殿觀相撲按諸國貢相撲人聖武帝神龜五年始見

後往不絕七月七日觀相撲天平六年始見是年以

平城帝忌日改用十六日其為恒例可知故此後不

書 二十五日辛丑巡覽新宮八月二十六日壬申巡

幸京師紀 是秋遊獵于大原野于葛野于栗前野于

瑞野類聚 冬十月丙午朔日有食之紀 六日辛亥以

深草王毘父流于隱岐十一月二日丁丑巡覽新京

類聚 十二月七日辛亥水鳥入太政官曹司紀 是

冬獵于葛野于文野栗野于瑞野于岡屋野類聚

十三年甲戌春正月乙亥朔以毀宮殿廢朝十五日

己丑地震類聚 是月遣使山階田原山陵奉幣太神

宮告征蝦夷紀 是春遊獵于栗前野于瑞野于葛野

于大原野類聚 夏四月癸未朔日有食之紀 二十八

日庚午車駕巡覽新京類聚 五月二十四日乙未

甲斐獻白鳥紀 六月十三日甲寅地震類聚 二十



一日壬戌肥前獻白雀類聚國史秋七月辛未朔移東西  
市於新京十日庚辰震于宮城及京畿官舍民屋紀畧  
八月十三日癸丑先是敕右大臣藤原繼繩等修國  
史至此而成奏上類聚國史是月安房疫九月辛未朔  
地震二日壬申又震類聚國史三日癸酉以講仁王經敕  
天下禁殺生三日類聚國史二十八日戊戌奉幣諸國  
名神告遷都及征夷紀畧二十九日己亥召二百僧講  
仁王經於新宮類聚國史紀畧○天台座主記畧岳  
月最澄供養中堂天行幸而紀畧等書無所見且  
延曆寺供養記載大外記清原業忠中堂供養勸文  
詳畧議其說甚是秋獵于大原野于交野類聚國史冬十月

二十二日辛酉車駕遷新京類聚國史紀畧二十八日丁卯  
征夷大將軍大伴第麻呂奏捷紀畧十一月七日丙子  
詔曰增置越前水田一百二町於大學寮名曰勸學  
田類聚國史紀畧八日丁丑詔曰今此山背山河襟帶自然  
作城因斯形勝可制新號宜改山背國為山城國子  
來之民謳歌之輦異口同音辭號曰平安京今宜從之  
近江滋賀郡古津先帝舊都也今接輦下當復舊號  
改稱大津紀畧十二月二十一日庚申敕曰牛之為用  
在國切要負重致遠其功實多今聞無賴之流爭事  
驕侈殺剝班犢競為鞍韉胡錄之具為幣尤甚須禁



絕焉三代是冬獵于交野于北園于康樂野于大原

野于山階野類聚是歲建平野社諸神記年中行事

曆年中故據之

十四年乙亥春正月庚午朔以大極殿未成廢朝類聚

國史十三日壬午大雪賜公卿以下綿有差國史二

十九日戊戌征夷大將軍大伴弟麻呂至自伐蝦夷

三月四日辛未禁私養鷹紀是春獵于日野于交野

類聚夏四月戊戌朔日有食之紀二十七日甲子禁

百姓貿易田宅園地以捨佛寺類聚五月三日己巳

右京人上毛野兄國女自禰諸天妖言惑眾流于土

元六月十五日庚戌幸于近東院于大堰紀秋七月

十二日丁丑巡幸于京師類聚閏月乙未朔詔曰

今諸國出舉正稅收半倍息利貧窮之民多破家產

朕甚憫焉古人有言曰百姓足君孰與不足其論定

公廨及雜色等稻出舉息利始自今年一從省減庶

阜財利用濟生民於類幣辭家給人足緝隆平於當今

類聚二日丙申置畿內七道巡察使十一日乙巳天

風發屋紀八月十九日癸未幸朝堂院觀營造甲午

晦罷巡察使九月五日戊戌幸東院二十二日乙卯

以肥後國為火國紀後往往稱肥後至此復舊名也而



此後皆稱肥二十九日壬戌太白晝見紀畧是秋幸于

後其故未詳

依比津于大堰于北野獵于柏原野于大原野于日

野于登勒野類聚國畧冬十月十六日巳卯幸于交野

二十二日乙酉還宮紀畧十二月甲子朔巡京師類聚國史

紀十三日丙子聽參議以上著白玉帶紀畧十八日辛

巳巡幸京師類聚國畧二十六日巳丑免諸國逃亡軍

士三百四十人死罪配陸奧永為柵戶紀畧是冬獵于

紫野于栗栖野于大原野類聚國史紀畧

十五年丙子春正月甲子朔御大極殿受朝石見獻

白雀長門獻白雉類聚國史紀畧二月二十五日丁亥救南

海道驛路迴遠使命難通因廢旧路通新道類聚國史三

月十九日庚戌救諸國舉武藝拔群者紀畧又救禁京

畿吏民男女混欻濫祭北辰類聚國史紀畧按年中

奉御燈於北辰之儀公事根源曰延曆十五年三月

始祭北辰今據類聚國史教文則朝廷因有此儀而

唯禁民間二十四日乙卯巡覽朝堂及諸院御近東

院宴飲賜群臣物有差是春幸于紫野獵于芥川野

于登勒野于水生野于日野類聚國史紀畧夏四月十日辛

未巡幸京師類聚國史紀畧十五日丙子雨雹二十七日戊

子渤海來貢五月四日甲午遣吉備魚主於山陽道

魚主官索捕盜賊十二日壬寅大雨洪水六月三日



壬戌肥前獻白雀是月幸葛野川秋七月十六日乙巳右大臣兼中衛大將藤原繼繩薨是月肥後言阿蘇山神靈池水涸二十餘丈八月己未朔日有食之二十一日己卯巡幸京師類聚國史紀畧二十六日甲申大和山崩水溢東大寺垣倒紀畧九月己丑朔敕非常之備不可暫闕宜山城河內使地置烽燧紀畧是秋獵于登勒野于栗前野類聚國史紀畧冬十月二十一日戊寅修藥師懺于宮中訖于甲申十一月八日乙未鑄新錢二十一日戊申移相模武藏上總常陸上野下野出羽越後民九千口于陸奧伊治城二十二日己酉敕

天下搜捕逃亡飛驒工匠紀畧十二月十四日辛未巡幸京師是冬獵于登勒野于大原野于紫野于日野于北野于栗栖野類聚國史紀畧是歲創東寺水鏡要記皇紀瀝觴抄十六年丁丑春正月戊子朔太宰府獻白雀類聚國史紀畧二十五日壬子敕愛宕葛野二郡每有人死者便葬家側積習為常今接近京師凶穢可避宜告國郡嚴加禁斷類聚國史紀畧十六日癸丑幸近東院紀畧二月九日乙丑以大納言紀古佐美為皇太子傳補任十三日己巳先是重敕皇太子學士管野真道等撰續日本紀至此而成上之類聚國史紀畧三月十一日丁酉以參議藤原內麻



呂兼近衛大將藤原乙叡兼中衛大將補是春三巡

幸京師獵于水生野于大原野于北野于登勒野類聚

國史夏四月四日己未大納言兼皇太子傳紀古佐

美薨補十八日癸酉以布施內親王為伊勢齊五月

七日壬辰巡幸京師類聚國史八日癸巳修宇治橋十

三日戊戌有雉集正殿十九日甲辰讀金剛般若經

於宮中及東宮紀二十二日丁未修灌頂經法於禁

中類聚國史六月七日辛酉朝原內親王獻白雀類聚國史

九日癸亥詔頒彈正尹神王等所刑定格四十五條

于有司類聚國史十七日辛未敕禁諸司喪制未終私著

吉服三代格十八日壬申天皇臨南庭遣使奉幣畿內

七道名神以祈天下安寧類聚國史二十八日壬午以

遷都免諸國今年租秋七月十一日甲午敕曰男女

有別禮典攸崇上下無差名教已闕如聞黎庶愚闇

不識禮儀所司寬容曾不誨導公私會集男女混淆

敗俗傷風莫過斯甚宜嚴禁斷勿後如此類聚國史

八月十四日丁卯地震暴風左右京坊門百姓廬舍

顛仆類聚國史二十五日戊寅遷山城治於長岡京南

紀九月二十日壬寅敕時屬西成民事收獲宜令畿

內諸國勿供獻於行在所類聚國史是秋幸于葛野川于



近東院獵于的野于北野于大原野類聚國史紀畧冬十月

九日庚申車駕將幸交野有啄木鳥入前殿因停幸

二十九日庚辰有雉集兵衛陣十一月五日丙戌以

從四位下坂上田村麻呂為征夷大將軍紀畧是冬獵

于北野于日野于陶野于栗栖野于大原野類聚國史紀畧

是歲罷筑前國司隸太宰府三代格

十七年戊寅春正月二十六日丁未有免出朝堂院

東道紀畧二月十五日丙寅敕郡司之負明具令條而

諸國司等一負有闕便擬數人正負之外更置副擬

無益公務徒潤私門侵百姓莫過斯甚自今以後簡

堪時務者擬用闕處正任之外不得復副三代格三月

十六日丙申詔曰郡司譜第之選永從停廢取藝業

著聞堪理郡者為之國造兵衛亦同停止但采女依

舊貢之類聚國史是春車駕五巡京師獵水生野夏四月

十日庚申地震類聚國史紀畧十五日乙丑敕沙汰僧徒不

遵戒教者三代格十九日戊戌遣使渤海閏月二十五

日甲戌祈雨丹生六月四日壬午又祈雨紀畧是夏車

駕二巡京師幸于近東院于葛野川于北野類聚國史紀畧

秋七月二十五日壬申奉幣丹生祈晴八月九日丙

戌大風壞民廬舍紀畧十日丁亥巡幸京師類聚國史紀畧十



六日癸巳以大納言神王為右大臣補九月二十三

日巳巳敕禁諸國貯錢三代格是月阿波饑賑給之紀畧

是秋獵于柏原野于北野于大原野于粟前野于日

野類聚國畧冬十月四日巳卯禁兩京畿內夜祭男女

會飲歌舞十九日甲午敕曰凡厥具僚或情徇賊私

多違憲法頻經誠勵未聞悛懲泣辜之仁雖切解網

刑故之典誠不獲已宜嚴加誨諭各令自勗三代格十

二月二十七日壬寅渤海來貢紀畧是冬幸于大堰于

北野獵于大原野于日野于水生野類聚國畧

十八年巳卯春正月九日甲寅賜五位以上新錢三

位三十四位二十五位一千二月幸于交野紀畧獵于

粟前野類聚國畧三月乙巳朔震民部省廩夏四月十

五日巳丑賑左右京貧民五月二十八日辛未遣使

改造太神宮正殿讚岐飢貸穀賑之二十九日壬申

停遣新羅使六月十五日戊子祭廣瀨立田神鎮弭

風災禱祈年穀紀畧二十三日丙申詔曰朕祗纂丕業

撫臨黎元克巳勤躬不遑寧處思欲輯熙四海期之

刑措弘濟百姓致之壽域而近巡京師北過堀川鉞

鑠囚徒暴體若作難生民之愚自招罪惡而為彼父

母寧不哀愍其在役見徒及天下見禁囚等罪無輕



重並宜赦除令得自新但私鑄錢謀殺故殺及被問  
民苦使推訪諸國郡官吏百姓等不在赦限其謀殺  
故弑配役者停役配流秋七月二十三日乙丑以風  
旱免備中去年租是月天竺人來類聚國史八月七日戊  
寅巡幸京師九月七日戊申暴雨壞屋紀畧是秋幸于  
大堰于北野獵于栗前野于水生野于陶野于的野  
冬十一月四日甲辰地震類聚國史紀畧八日戊申以風水  
為災免淡路今年調庸二十四日甲子敕先遣問民  
苦使採訪政迹思明激揚以嚴黜陟今閱使狀違犯  
者多理須峻刑永懲後輩去延曆十四年簡差使者

擬遣巡察慮彼自新未遽發遣而慢法不悛縱慾無  
厭此而可原孰不可恕其延曆十五年以還有犯國  
罪以下宜依法斷以懲將來但犯佃田三町以下及  
驅使兵士者特從寬宥其十四年以往所犯積習已  
久卒難洗滌宜事無輕重一從原免類聚國史是冬二巡  
京師獵于交野于西野于水生野類聚國史紀畧  
十九年庚辰春正月幸于五百井女王別業于西島  
院于北野二月四日壬申禁民輸錢求爵三代格紀畧是  
月獵于栗前野三月巡幸京師類聚國史紀畧夏四月二十  
三日辛卯和泉雨雹大如桃李紀畧是月二巡京師類聚



國六月戊辰朔日有食之六日癸酉駿河言春夏之  
交富士山焚雨仄響如雷紀畧秋七月二十三日巳未  
追號庶人早良為崇道天皇追後井上內親王為皇  
后墓禰山陵類聚國史八月十四日庚辰祈晴丹生  
紀畧是秋幸于神泉苑于萬野川于大堰獵于水生野  
于栗前野于大原野類聚國史冬十月四日巳巳修萬  
野川堤六日辛未獵于的野十七日壬午幸于交野  
二十五日庚寅還宮十一月六日庚子遣征夷大將  
軍坂上田村麻呂檢諸國夷俘紀畧二十七日庚申禁  
外民懷姙競貫京戶規避課役三代格

二十年辛巳春二月二十五日丁巳監試對策經國集  
是春幸于大堰于大津夏四月八日巳亥敕越前國  
司禁屠牛祭神十九日庚戌幸參議紀勝長山階宅  
五月壬戌朔日有食之十三日甲戌敕諸國設舟楫  
浮橋以便貢調十七日戌寅祈雨丹生紀畧六月三日  
癸巳備中言慶雲見類聚國史十二日壬寅停大宰府進  
隼人類聚國史十四日甲辰參議河碧海郡女子一產  
三子賜稻類聚國史是夏幸于神樂岡于大津于神泉苑  
于大堰秋七月二十六日丙戌參河言慶雲見八月  
日庚子以從四位下藤原葛野麻呂為遣唐國大使



從五位下石川道益為副九月二十七日丙戌征夷  
大將軍坂上田村麻呂奏言討平夷賊紀是秋幸于  
大堰于神泉苑獵于大原野于栗前野于的野類聚  
紀冬十月二十八日丁巳坂上田村麻呂凱旋京師  
紀是冬獵于栗前野于日野于水生野類聚  
二十一年壬午春正月戊午朔以雨雪廢朝類聚  
八日乙丑加征夷將士勲位有差敕曰富士山久焚  
沙磧如霰卜之兆應早疫宜令駿河相模二國讀經  
以攘災殃紀自是日講金光明最勝王經於大極殿  
七日立為永式按濫觴抄神護慶雲二年正月八日  
於大極殿始修御齋會要記為三年

皇紀編年記為元年拾芥抄為四年諸說不一按續  
日本記元年正月己未敕畿內七道修吉祥懺於國  
分金光明寺七日三年正月丁丑御東內始行吉祥  
懺己未丁丑並八日也諸書係元年或三年者蓋指  
之乎公事根源曰御齋會蓋始于天武帝九年五  
月延曆二十一年正月己後遂為恒例故今據之九  
日丙寅遣從三位坂上田村麻呂築陸奥瞻澤城十  
一日戊辰配東國浮浪四千人于瞻澤城紀十八日  
乙亥美作獻白鹿紀是春幸于神泉苑獵水生野類  
國史夏四月十五日庚子坂上田村麻呂奏言蝦夷  
酋大墓公阿氏利為盤貝公毋禮等率其眾五百餘  
人而降五月十九日甲戌以富士焚石壘足柄路新  
關宮衙路紀六月十二日丁酉左京火賜遭災者米



鹽類聚國史紀畧二十六日辛亥重救出羽禁私交易蝦秋

土物三代格是夏二幸神泉苑類聚國史紀畧秋七月乙卯朔

大和言牛生二頭六足犢十日甲子坂上田村麻呂

將蝦夷二酋至京師十三日丁卯白鷺集朝堂院二

十五日己卯百官表賀蝦夷平紀畧八月八日壬辰豐

後獻白雀類聚國史十三日丁酉斬蝦夷二酋紀畧是秋幸

于神泉苑于大堰獵于的野于芹川野于北野類聚國史

紀畧冬十月九日壬辰幸交野十五日戊戌還宮二十

六日己酉幸大原野十一月甲寅朔日有食之紀畧

二十二年癸未春正月癸丑朔以雨廢朝二日甲寅

受朝美作獻白鹿豐後獻白雀類聚國史紀畧三月六日丁

巳坂上田村麻呂築志波城備蝦夷是月幸于志賀

可樂崎于神泉苑夏五月八日丁巳廢宮衙路役足

柄舊路二十二日辛未遣大使藤原葛野麻呂遭風

不得渡海還上節刀六月二十一日庚子祈晴丹生

是夏巡幸京師幸于神泉苑于志賀可樂崎紀畧秋八

月十三日辛卯以言語不諱流正六位上長倉王於

多藝島類聚國史是秋幸于神泉苑于梅原宮于伊豫親

王愛岩別業于葛野川于西八條院獵于柏野于水

生野于北野于的野類聚國史紀畧冬十月二十五日壬寅



皇子大德親王薨閏月十六日癸亥幸于蒲生野二  
十七日甲戌還宮詔免粟太甲賀蒲生三郡今年田  
租國郡司介掾進位賜物畧紀是月獵于大原野類聚國史  
十一月戊寅朔日南至老人星見百官詣闕表賀十  
五日子辰詔曰天地覆燾順時播氣皇王亭育利物  
弘仁朕以宜昧副登鴻基臨馭八紘撫育萬類政道  
無洽方思南薰惠澤未淳尚慙東戶比有司奏曰老  
人星見又今年十一月朔且冬至皇太子及百官表  
賀朕以靈徵攸臻必資厚德休命所感乃由至仁顧  
惟庸虛但增慙歎恩施凱澤以答天情宜赦天下王

副後紀略  
作嗣當從

公已下宜加普賜但能盡忠力先有勤効者特加爵  
賞用申褒寵内外文武官主典已上叙爵一級賜天  
下高年百歲已上穀二斛九十已上一斛八十已上  
五斗庶恤隱之旨感於上玄珍貺之應被於中壤布  
告邀爾知朕意焉類聚國史紀畧十二月二日戊申有狐鳴  
禁中紀畧

二十三年甲申春正月丁丑朔武藏言木連理近江  
獻白雀類聚國史紀畧二十八日甲辰以從三位坂上田村  
麻呂復為征夷大將軍二月三日庚戌移大和石上  
社器伏於葛野郡二十日乙丑巡幸京師紀畧三月十



六日辛卯以霖雨賜五位已上米類聚國史紀畧二十日癸

卯復授遣唐大使藤原葛野麻呂節刀如唐紀畧是春

獵水生野幸于神泉苑于西八條于五條院于可樂

崎類聚國史紀畧夏四月二十八日壬申右兵衛府獻白雀

類聚國史紀畧五月二十三日丙申齊宮寮獻白雀類聚國史紀畧六

月十九日壬戌幸于大堰秋八月十日壬子暴雨火

風中院西樓倒紀畧十一日癸丑地震類聚國史紀畧十九日

辛酉巡幸京師九月十八日己丑遣兵部丞大伴岑

萬里於新羅紀畧二十七日戊戌地震是秋幸于神泉

苑于大堰于葛野川于與等津獵于北野于栗前野

于大原野類聚國史紀畧冬十月三日甲辰幸和泉遊獵于

城野于垣日野于蘭生野于日根野十一日壬子進

幸紀伊玉土島十三日甲寅還御日根野行宮十四

日乙卯獵于熊取野十七日戊午還宮二十一日壬

戌幸于神泉苑二十三日甲子禁私養鷹鷄十一月

二十二日癸巳廢出羽秋田城為郡紀畧是月獵于日

野四幸神泉苑類聚國史紀畧十二月壬寅朔幸于神泉苑

六日丁未復幸二十五日丙寅天皇不豫遣使七大

寺誦經賑給平城道俗飢乏者二十六日丁卯赦天

下紀畧



二十四年乙酉春正月辛未朔以不豫廢朝類聚國史紀畧

是日敕放鷹犬為崇道帝建寺於淡路又敕修天下

諸寺二十二日壬辰大星晝隕紀畧二十五日乙未地

震類聚國史紀畧二月十日庚戌詔遣使還石上器仗於舊

社聚僧誦經以鎮謝焉十九日己未使諸國國分寺

修樂師職三月二十七日丙申赦天下紀畧是春召僧

圓澄於紫宸殿修五佛頂法修法始于此天台座主記元亨釋

書夏四月十日己酉奉幣賀茂社五月十一日己卯

遣僧於紀伊伊都郡造三層塔以禱病秋七月十四

日辛巳遣唐大使藤原葛野麻呂等還自唐十七日

甲申地震紀畧二十五日壬辰敕如聞疫癘之行民庶

相憚不通水火父子至親畏忌無近遂致亡者衆多

存心救療何有死亡宜喻所司務存匍匐二十六日

癸巳祈雨畿內各神二十七日甲午獻唐信物于山

科後田原崇道帝三陵八月九日乙巳地震類聚國史紀畧

是日召入唐僧最澄於殿上悔過讀經最澄獻所齋

佛像經論二十七日癸亥太白鎮星見東方九月十

七日壬午召最澄修毘盧遮那法冬十月二日丁酉

野島入殿二十五日庚申寫大藏經薦崇道帝冥福

二十七日癸亥讀經前殿三日紀畧十二月五日庚子



地震七日壬寅召公卿議政事得失停兵役營造減  
仕丁衛士隼人歌女仕女之數免伊賀伊勢等二十  
一國今年庸類聚國史紀畧八日癸卯免淡路淳浪今年調  
庸十日乙巳廢造宮職紀畧

二十五年丙戌春正月丙寅朔以不豫廢朝七日壬  
申敕停五位已上進裝馬二月三日丁酉廢木工寮

三月十五日己卯天皇大漸十七日辛巳敕延曆四  
年流人已放還者不論存亡悉復本位紀畧是日天皇

崩于正寢年七十謚曰日本根子皇統彌照尊葬紀  
伊郡柏原陵類聚國史紀畧世稱柏原天皇又謚桓武天皇

置國忌於西寺江家次第天皇天資好武大討蝦夷邊陲

遂寧遷都平安百世賴利屢事遊獵紀畧類聚國史

統常喜養鷹寬平御遺誠著聞集初中院樓倒牛壓死天皇嘆

曰朕生年在丑殆不利乎未幾不豫召皇太子特有  
所敕乃命僧勝虞盡放鷹犬又召群臣咨訪民瘼參

議藤原緒嗣言方今天下所苦在兵興土木請罷二  
者天皇善之乃從停廢聞者莫不感歎紀畧



天保九戊戌年冬十一月十一日謹書寫之

中村萬喜直衛

大日本史卷二十二

本紀第二十二

權中納言從三位源光圀修  
男權中納言從三位綱條校

平城天皇

平城天皇諱安殿桓武帝長子也母皇后藤原氏日本  
紀以寶龜五年八月十五日壬午生焉一代要記初  
為親王名小殿延曆二年改今名四年九月皇太子  
廢十一月立天皇為皇太子七年正月加元服續日本紀  
及長聰敏玄鑑宏達博綜經傳尤工文藻紀二十五



年三月桓武帝崩天皇哀慟不能起參議近衛中將  
坂上田村麻呂春宮大夫藤原葛野麻呂扶之下殿  
遷東廂類聚國史紀畧是日有血灑東宮寢殿紀畧十九日癸  
未京師西北諸山焚類聚國史二十二日丙戌日赤無光  
兵庫夜鳴二十三日丁亥日赤無光大井比叡小野  
栗栖等山焚烟灰晝晦四月七日庚子葬桓武天皇  
類聚國史紀畧二十三日丙辰以中納言坂上田村麻呂兼  
中衛大將公卿補仕二十四日丁巳右大臣神王薨紀畧五  
月六日己巳令曰今聞頻年不登民食惟乏難出舉  
公稻而猶多阻飢因茲私託民間更事乞貸報償之

時息利兼倍遂使富豪之輩膏粱有餘貧弊之家糟  
糠不厭宜貸正稅濟彼絕乏須差使實錄貧人結保  
給之若有亡者令保內填其情涉愛憎退弱進強及  
補填未納無收私債者發覺之日必處重科待民稍  
給乃從停止十六日己卯停諸國雜贄腹赤魚木蓮  
子等類聚國史十八日辛巳天皇即位于大極殿改元大  
同紀畧  
大同元年丙戌夏五月十九日壬午追尊皇太后曰  
太皇太后追尊皇后曰皇太后立皇第神野親王為  
皇太弟紀畧○水鏡曰天皇以即位日立東宮既而  
欲廢之傳藤原冬嗣察其意告之東宮東宮



憂懼望拜先帝陵時煙氣暗如夜天皇大驚卜之曰  
先帝為崇天皇悔過引咎三日煙滅此說類聚國史  
紀畧等書所不載疑以是年三月以中納言藤原內  
有災異卜筮事附會也故不取  
麻呂為右大臣兼近衛大將如故參議藤原園人為  
皇太弟傳補二十四日丁亥始置六道觀察使六月  
九日辛丑追尊故妃藤原帶子為皇后十日壬寅敕  
諸王及五位已上子孫十歲已上皆入大學分業教  
習紀畧十三日乙巳為先帝度僧尼二百類聚國史閏月  
十六日丁丑廢勘解由使秋七月七日戊戌遣使畿  
內檢察私墾田類聚國史十三日甲辰公卿奏即吉之後  
宜御新宮請豫營構之帝不欲煩勞百姓詔不聽二

十四日乙卯武藏獻白鳥紀畧八月聽京畿隱首括出  
二色並入籍帳三代格四日甲子免畿內遭水百姓田  
租冬十月二日辛酉以將改葬桓武天皇敕天下今  
月十一日素服舉哀十一日庚午改葬桓武天皇類聚  
國史紀畧按二書不載改葬之由蓋  
是年洪水或山陵壞損而修築之乎十三日壬申敕  
曰凡貢氏女事明令條皆限三十已下十三已上方  
今氏之長者須擇氏中端正女貢之其十三已上之  
徒心神易移進退未定宜采女年三十已上四十已  
下無配偶者或貢後適人必令貢替類聚國史十八日丁  
丑定河內攝津分坂已丑晦禁夜祭奏琴歌紀畧十一



月六日乙未太宰府管内諸國連年水旱疾疫田園  
荒廢因免筑前肥前二年筑後肥後豐前豐後日向  
大隅薩摩壹岐一年租類聚國史十三日壬寅卜定皇女  
大原內親王為齋宮類聚國史是歲以伊賀紀伊淡路  
備後安藝周防頻年不稔始自今年六年田租免什  
之四類聚國史

二年丁亥春正月十二日辛丑以去年遭水免丹後  
加佐郡租調類聚國史二十日己酉使天下百姓務植桑  
漆三代格二十七日丙辰賜唐綾錦香藥等於參議已  
上十四日壬申以左京人調田庭繼毆父流伊豆三

月三日辛卯相模愛甲郡女子一產三子賜稻三百

東夏四月十六日癸酉罷參議置觀察使二十二日

己卯改近衛府為中衛府左近為右近衛府五月

戊子朔雨雹三日庚寅停園司奏事令內舍人奏類聚

國史十三日庚子廢聖武帝國忌紀畧十六日癸卯停

諸國貢米女類聚國史二十五日壬子大地震六月十

五日辛未雨雹紀畧秋七月十七日壬寅幸神泉苑二

十一日丙午近江蒲生郡女子一產三子賜稻三百

東類聚國史二十四日己酉聽畿內國司以下私佃紀畧二

十九日甲寅幸神泉苑八月二十八日癸未幸神泉



苑類聚九月九日癸巳又幸神泉苑詔停正月射禮遷于

是日二十一日乙巳又幸神泉苑類聚二十八日

壬子敕巫覡之徒妄說禍福庶民之愚仰信妖言淫

祀斯繁厭祀亦多積習成俗虧損淳風自今已後宜

一切禁斷若深崇此術猶不懲革事覺之日徒徒於遠

國所司知之不糾隣保匿而相容並準法科罪三代

冬十月四日丁巳停內豎隸左右舍人十三日丙寅

相摸女子一產三子賜稻三百束類聚十九日壬申

公卿議奏國司交替限以四考宜以六歲為限從之

二十九日壬午御禊萬野川十一月二日乙酉停大

嘗是日以中務卿伊豫親王謀反幽川原寺紀十一

日甲午流大納言藤原雄友於伊豫免中納言藤原

乙叡官左降北陸道觀察使秋篠安人造西大寺長

官補十二日乙未伊豫親王賜死紀十三日丙申敕

停正月七日十六日二節十二月京師疫遣使賑之

三年戊子春正月癸未朔以風寒殊甚廢朝類聚國

七日巳丑賑京師疫民十二日甲午給醫藥於疫民

類聚國史十三日乙未遣使掩骼埋胔給病民米鹽改諸

大寺及畿內七道轉讀大般若經類聚二十六日



戊申給右京疫民綿二月四日丙辰敕曰今聞往還  
百姓在路病患或以飢渴即致死亡是誠所司不存  
格旨村里無意省養也頃者疫癘死者稍多屍骸無  
歛露委路傍甚乖掩埋之義宜令諸國巡檢省養一  
依先格所有之骸皆悉收歛類聚國史是日省大學直講  
博士一員置紀傳士博二十四日丙子御大極殿祈禱  
名神以禳天下疫二十九日辛巳詔曰朕孝誠有闕  
奉親無從橋山崩心仰遺劄而已遠穀林茹根根望遊  
冠而何及况彼春風動樹結蓼思於終天秋露霑叢  
貫棘心於畢地夫三月者先帝及皇太后登遐之忌

月在於感慕最攸不堪三日之節宜從停廢類聚國史紀畧

是月從五位下齊部廣成成古語拾遺本三月癸未

朔令諸國講仁王經限七日類聚國史紀畧八日庚寅講仁

王經於禁內及諸司左右京職類聚國史二十二日甲辰

黃雨二十七日己酉大田親王薨二十八日庚戌黃

雨紀畧夏四月二十四日乙亥幸神泉苑類聚國史紀畧五月

三日甲申衛門佐安倍真直侍醫出雲廣貞等上大

同類聚方一百卷紀畧五日丙戌以疫停馬射敕曰如

開大同元年洪水為害餘弊未復去年以來疫癘流

行橫斃者衆顧彼困厄深懷矜愍恩施恩德以慰黎



秋

烈其被水損七分已上戶所舉正稅未納宜悉免除  
八日已丑差使療左右京病民十日辛卯詔曰朕以  
寡昧虛嗣丕基履薄如傷黔首之隱是恤馭奔若厲  
紫宸之尊非寧刻已思治勳精蒞政而仁無被物誠  
未感天自從君臨咎徵斯應頃者天下諸國飢饉滋  
甚疫癘相尋多致夭折朕之不德嘗及黎庶撫事責  
躬怒焉疾首或恐政刑乖越上爽靈心澳汗煩苛下  
貽人瘼此皆朕之過也兆庶何辜靜言念之無忘監  
寐詩不云乎民亦勞止汔可小康其畿內七道上言  
飢疫諸國宜免今年之調國司親巡鄉邑藥療營救

兼令國分二寺轉讀大乘經一七日左右京亦宜遣  
使普如賑贍庶幾為善有效濟困窮於畝糧修德不  
虛返遊魂於岱錄務崇寬惠副朕意焉類聚國史十五  
丙申播磨獻白燕紀畧十六日丁酉復置筑前國司三代  
格二十一日壬寅祈雨丹生川上二十三日甲辰雨  
群臣稱賀奏樂賜物紀畧是月二幸神泉苑類聚國史紀畧秋  
七月辛巳朔日有食之紀畧二十七日丁未幸大堰八  
月二十二日辛未幸神泉苑類聚國史紀畧二十七日丙子  
夜左右兵庫鉦鼓自鳴九月十一日庚寅太白晝見  
紀畧十九日戊戌敕去五月已詔飢疫諸國今年之調



宜咸免除今聞國司等或免見病之輩徵未病之民  
愚吏之失還致民憂宜早下命莫令更然其浪人調  
及中男作物亦准此國類聚是日幸神泉苑國類聚二  
十三日壬寅聽親王及觀察使已上并六衛府次官  
已上養鷹鷄格三代冬十月七日乙卯遊獵北野八日  
丙辰左衛士防火國類聚二十七日乙亥行幸近江大  
津修禊二十九日丁丑制誓於前例大嘗散齋三月  
自今以後以一月為限國類聚十一月十一日戊子  
敕曰如聞大嘗雜樂伎人濫取朝憲唐物為飭令之  
不行往古所譏宜申加禁斷國類聚十四日辛卯大嘗

紀畧二十九日丙子以前遭水免伊賀未納稅國類聚  
四年己丑春正月戊寅朔以風寒殊甚廢朝紀畧十日  
丁亥停七日十六日諸國獻珍味國類聚十五日壬辰  
有犬吠于大極殿西樓上群鳥數百翔其上十八日  
乙未敕諸國寫大般若經一部供養名神紀畧二月庚  
寅是月無庚寅廢減供御及年中雜用諸司官人已  
下月俸國類聚是月天皇不豫紀畧閏月九日乙酉敕天  
下諸國進檢齋力人國類聚三月十六日辛酉山城獻  
白鼠夏四月丙子朔讀經宮中及京師諸寺紀畧天皇  
寢膳寢不安是日傳位皇大弟國類聚遷東宮紀畧受



太上天皇尊號天皇避病數處五遷之後宮於平城  
而事乖釋重政猶煩出尚侍藤原藥子常侍惟房矯  
託百端天皇甚愛不知其奸藥子兄右兵衛督仲成  
恃勢驕恣同惡相濟類聚國史紀畧弘仁元年九月天皇因  
藥子之勸欲再臨祚水鏡藥子矯旨擬遷都於平城以  
中納言坂上田村麻呂藏人頭藤原冬嗣從四位下  
紀田上等為造宮使紀畧朝野咸驚嵯峨帝叔仲成逐  
藥子天皇震怒聚畿內及紀伊兵與藥子同輿赴東  
國諸司宿衛士皆從至于添上郡越田邑聞大軍邀  
前而衆自潰天皇知事不可成還宮薙髮仲成伏誅

藥子仰藥而死類聚國史紀畧越前人阿倍清繼權少掾百  
濟愛筌等舉兵應天皇捕斬於登美藤津不受代至  
是嵯峨帝遣民部少輔紀南麻呂等勸問處清繼愛  
筌於遠流初難起中納言藤原葛野麻呂左馬頭藤  
原真雄固諫天皇不納遂至於敗類聚國史十二年天皇  
就僧空海入壇灌頂帝三密灌始自此焉元亨釋書係十三年  
今從要紀及淳和帝時嵯峨帝亦蒙尊號曰太上天皇因  
稱天皇曰先太上天皇天皇數請除尊號撤服御停  
諸司淳和帝不從天長元年七月七日甲寅崩年五  
十一謚曰日本根子天排國高彥尊類聚國史紀畧葬添上



郡楊梅陵和類聚國史淳補曰平城天皇又曰奈良帝  
要記天皇識度沈敏躬親萬機尅已勵精省撤煩費  
皇紀棄絕珍竒法令嚴整群下肅然雖古先哲王殆不過  
也然性多猜忌精類聚嗣位之初未踰年而改元世以  
譏焉紀畧殺伊豫親王子母并命逮治者衆時議以為  
淫刑終頽心內寵奪政婦人嗚呼惜哉類聚國史

天保九戊戌年冬十月十四日謹書寫之

中村萬喜直衛

大日本史卷二十二終

大日本史卷二十三

本紀第二十三

權中納言從三位源光圀修  
男權中納言從三位綱條校

嵯峨天皇

嵯峨天皇諱神野平城帝同母弟也延曆五年九月  
七日癸巳生於長岡宮故事每皇子生以乳母姓為  
之名天皇乳母姓神野故名焉文德實錄日本十八  
年二月加元服幼聰敏好讀書及長博覽經史善屬  
文妙草隸神氣岳立有人君之量桓武帝尤鍾愛之



初爲親王二十二年正月叙三品歷中務卿彈正尹  
大同元年五月立爲皇太弟四年四月丙子朔平城  
帝因疾禪位天皇抗表固辭不聽紀右大臣兼左近  
衛大將藤原內麻呂中納言兼右近衛大將坂上田  
村麻呂並如故公卿補任十三日戊子天皇即位于大極  
殿年二十四十四日己丑詔立皇姪高岳親王爲皇  
太子紀以中納言藤原葛野麻呂爲傳補任十六日辛  
卯敕修諸國神社紀畧三二十日乙未敕使諸道觀  
祭使兼外任収其元封以助國用紀二十八日癸卯  
詔曰頂日太上天皇聖體不豫頻移晦朔醫藥無驗

祈禱不徵有靈之類惟人爲重思降寬惠式資聖躬  
其大赦天下常赦所不免咸皆赦除又令天下禁斷  
殺生七日濱水百姓以漁爲業者量給糧爲類聚國史紀畧  
夏五月二十二日丁卯以霖雨賑給京師二十五日  
庚午祈晴松尾鴨御祖別雷等社紀二十七日壬申  
大炊寮災瘡二十八日癸酉伊勢獲白鳥類聚國史紀畧六月  
八日壬午祈雨丹生川上紀十三日丁亥立三品高  
津內親王爲妃橘嘉智子多治比高子爲夫人秋七  
月乙巳朔修藥師法於小安殿限七日以禱上皇不  
豫類聚國史紀畧三日丁未禁獵於大原粟前水生日根等



野十七日辛酉敕令諸國司齋戒祈雨十九日癸亥  
大風秋八月五日戊寅又大風紀畧十一日甲申卜定  
皇女仁子內親王爲齋宮癸卯晦天皇觀太上天皇  
於左兵衛府類聚國史紀畧九月三日丙午以旱疫停俟諸  
國脚夫於京師類聚國史紀畧二十七日庚午頒觀察使起請  
十六條於天下代紀畧三冬十月癸酉朔渤海來貢紀畧  
十一月五日丁未上皇遣右近衛中將藤原真夏左  
馬頭藤原真雄左兵少辨田口息繼左近衛少將藤原  
貞本等於攝津豐島爲奈等野及平城舊都相宮地  
類聚國史十二日甲寅上皇遣右兵衛督藤原仲成及田

口息繼等造平城十二月四日乙亥上皇取水路幸  
平城宮宮殿未成權御故右大臣大中臣清麻呂第  
弘仁元年庚寅春正月壬寅朔以違豫廢朝賜侍臣  
以上衣被類聚國史紀畧七日戊申遣使賑左右京飢民紀畧  
十三日甲寅免隱岐大同元年以來未納稅類聚國史是  
月平城宮成上皇遷御焉水鏡三月十日庚戌初置藏  
人頭補任夏四月造招提寺塔紀畧五月十五日甲寅敕  
諸國停進相撲人類聚國史紀畧二十日己未遣使祈晴丹  
生川上紀畧六月二日庚午幸神泉苑十八日丙戌又  
幸神泉苑二十六日甲午地震類聚國史紀畧二十八日丙



申上皇詔曰嚮置觀察使各委二道而參議之寄望  
重守太歸任責成職非虛設宜罷觀察使後參議號  
封邑之制亦仍舊數紀畧秋七月九日丁未敕進營力  
人者常限六月二十日以前自今以後隨得則進莫  
限期月十三日辛亥以不豫誦經於川原長岡二寺  
十八日丙辰遣右大辨藤原藤繼陰陽頭安倍眞勝  
等鎮祭高島陵十九日丁巳天皇遷御東宮二十六  
日甲子令天下禁斷殺生七日其業漁者給糧戊辰  
晦遣右大辨藤原藤嗣奉幣大神宮八月八日丙子  
奉幣名神以禱不豫十日戊寅攝津言慶雲見十一

日巳卯修樂師法於太政官限七日類聚國史紀畧九月戊

戌朔遣使畿内班民口田紀畧六日癸卯上皇尚侍藤

原藥子矯上皇敕擬遷都於平城人心騷動十日丁

未宮中戒嚴遣使守伊勢近江美濃三國府及故關

詔暴藥子及兄仲成等罪惡遣參議藤原緒嗣告柏

原山陵十一日戊申大外記上乞野下穎人從平城來

告太上天皇今晚率兵入東國天皇遣大納言坂上

田村麻呂參議文室綿麻呂將兵邀美濃道又發兵

守宇治山崎兩橋與渡市津是夜仲成伏誅十二日

巳酉上皇還宮雅髮藥子仰藥而死十三日庚戌廢



皇太子立皇第中務卿大伴親王為皇太弟詔敕從  
上皇於東國者不問類聚國史紀畧十八日乙卯以大納言  
藤原園人為皇太弟傳補任十九日丙辰改元弘仁二  
十九日丙寅渤海來貢紀畧冬十月二十七日甲午禊  
於松碕川類聚國史紀畧十一月十八日甲寅雷紀畧十九日  
乙卯大嘗十二月十三日乙卯遊獵并川野十六日  
壬午遣參議巨勢野足奉幣八幡宮及櫻日廟賽渚  
亂之禱二十日丙戌鑄錢司上新錢長官以下至客  
作兒叙位賜物類聚國史紀畧是歲以皇女有智子內親王  
為賀茂齋禱與上皇輯睦賀茂齋始于此賀茂齋院記不載其

由及所起帝王編年記九年五月始置今從貴女抄一代要記大和河內攝津參河  
遠江丹波因幡伯耆播磨美作備後淡路讚岐土左  
飢遣使賑給之紀畧  
二年辛卯春正月五日庚子以上殿舍人彼為內豎  
紀畧二月八日癸酉敕給諸國夷倭糧類聚國史十一日丙  
子遊獵北野十五日庚辰遷御西宮類聚國史紀畧十八日  
癸未皇太弟遷東宮紀畧三月乙巳始令諸國進夷倭  
計帳類聚國史夏四月二十七日庚寅遣正六位上林東  
人等於渤海紀畧是月四幸神泉苑五月十二日乙巳  
幸神泉苑自茲數避暑於此類聚國史紀畧二十日癸丑敕



賑恤諸國罹疾疫鰥寡孤獨貧窮老疾不能自存者  
紀畧二十一日甲寅申禁農民食魚飲酒類聚國史二十三  
日丙辰大納言兼右近衛大將坂上田村麻呂薨紀畧  
補二十五日戊午信濃獻白鳥類聚國史六月癸亥朔  
以參議巨勢野足兼右近衛大將補三日乙丑奉幣  
太神宮十九日辛巳賜十三大寺僧尼年八十已上  
者各絕二匹布四端類聚國史二十五日丁亥主殿寮  
釜自倒紀畧秋七月十二日甲辰幸神泉苑賜倍侍者  
錢十三日乙巳敕曰聞平城宮諸衛官人等出入任  
意不勤宿衛宜使參議加督察焉類聚國史十四日丙

午遣征夷將軍文室綿麻呂征蝦夷十五日丁未龍  
尾道有雲氣須臾而滅紀畧八月十二日甲戌幸神泉  
苑類聚國史是夜有二星乍合乍離狀似相關紀畧十六  
日戊寅遊獵北野類聚國史九月十二日癸卯大風十  
三日甲辰賜遭風者米紀畧十六日丁未敕平城宮諸  
衛府官人等任意不直已闕宿衛宜改前敕即命少  
將已上檢校焉十九日庚戌停內舍人奏復圍司奏  
二十六日丁巳遊獵紫野類聚國史是月桃李華冬十  
月二日癸亥林東人等至自渤海紀畧二十四日乙酉  
遊獵栗前野二十七日戊子遊獵紫野十一月九日



庚子詔曰伊勢頃年多事百姓勞擾往年供奉大嘗  
頗疲轉運重屬兵革共廢農畝今又勞造神宮未遑  
息肩尋緣齋內親王相替迎送祇供不息念其勞止  
殊疾于懷悅以使民歷代之洪猷務而救弊往哲之  
恒範宜今年田租悉免勿徵類聚國史紀畧二十八日巳未  
改衛士府曰衛門府紀畧十二月十六日丙子地震十  
七日丁丑遊獵大原野閏月九日巳亥日有抱戴十  
四日甲辰遊獵水生野類聚國史紀畧  
三年壬辰春正月二十五日甲申遊獵象前野類聚國史  
是月以從四位下藤原緒夏為夫人文德實錄齊衛二年按類聚國

惟

史係之弘仁六年未知孰是 二月十二日辛丑幸神泉苑覽花花  
宴之節始于此十四日癸卯遊獵水生野十五日甲  
辰遊獵交野類聚國史紀畧三月二十四日壬午右京人獻  
連理木紀畧夏四月六日癸巳幸神泉苑類聚國史紀畧十六  
日癸卯敕糾僧尼無行者類聚國史紀畧二十一日戊寅公  
卿奏曰臣範訓人事歸濟世改制易俗理會適時寔  
知道尚法章政必裁成苟式未弘豈肯膠柱今此刪  
定令條是去神護景雲三年議請刑定而事有不允  
寢而莫行數十年後乃始頒下自爾以降訥訟逾繁  
事不便人理難取則今故謹辦可不輒請刊改冀俗



弭奸邪家全諸業者許之六月二日戊子令參議紀  
廣濱陰陽頭何倍真勝等十餘人讀日本紀從五位  
下多人長執講是日置諸國夷俘長類聚國史三日巳丑  
遣使造長柄橋紀畧五日辛卯薩摩蝗免逋負稻十六  
日壬寅開官倉減價糶貧民二十三日巳酉重糾僧  
尼類聚國史二十四日庚戌幸大堰類聚國史紀畧二十六日壬  
子敕奉幣畿內名神祈雨是月小鳥生大鳥秋七月  
丁巳朔敕以旱疫奉幣天下名神二日戊午御大極  
殿奉幣大神宮紀畧二十四日庚辰幸神泉苑賜陪侍  
者錢類聚國史紀畧八月八日癸巳以與女同車流僧良勝

於多禰島九月六日辛酉遊獵北野二十日乙亥禁  
東大寺方二里敕生類聚國史二十五日庚辰遊獵大原  
野類聚國史紀畧二十六日辛巳敕曰怪異之事聖人不語  
妖言之罪法制非輕而諸國信民枉言言上寔繁或  
言及國家或妄陳禍敗福法亂紀莫甚於斯宜仰諸國  
令加檢察自今以後輒稱託宣者不論男女隨事科  
決但神宣灼然其驗尤著者國司檢察依實言上三代  
格冬十月十六日辛卯右大臣兼左近衛大將藤原  
內麻呂薨紀畧十二月二日丙戌施調綿一萬五百屯  
於七大寺常住僧及內供奉十禪師類聚國史五日巳丑



以大納言藤原園人為右大臣兼皇太弟傳如故參議藤原冬嗣兼左近衛大將補任二十一日乙巳遊獵

并川野類聚國史紀畧

四年癸巳春正月二十三日丁丑令伊勢壹志郡尾

張愛智郡常陸信太郡但馬養父郡貢郡司子妹年

十六已上二十已下容貌端正堪為采女者各一人

類聚國史二十六日庚辰遊獵栗前野二月十六日已亥

遊獵交野十八日辛丑遊獵水生野類聚國史紀畧二十七

日庚戌以興福寺僧永繼有涵行流於遠江類聚國史二

十九日壬子幸神泉苑類聚國史紀畧三月十八日辛未太

宰府言新羅人到肥前小近島土民與之戰殺獲百

餘人紀畧夏四月癸未朔日有食之九日辛卯右衛門

府獻赤烏紀畧二十二日甲辰幸皇太弟南池類聚國史紀畧

五月十日辛酉攝津獲免一頭二身紀畧二十五日丙

子敕曰治國之要在於富民民有其蓄凶年是防故

禹水九年人無飢色湯旱七歲民不失業今諸國之

吏深乖委寄或差役失時妨廢農務或專事侵漁無

心撫字因此黎元失業飢饉自隨非緣災祲常告民

飢年年賑給倉廩殆罄儻有災害何以相濟不治之

弊一至於此自今以後非有田業損害及疾疫等不



得輒請賑給類聚國史六月壬午朔禁京畿百姓棄疾者  
三代格類聚國史 二日癸未以遭水免石見安藝連負類聚國史  
三日甲申大隅薩摩蝗免未納稅類聚國史二十四日  
乙巳幸大堰類聚國史秋八月十五日乙未幸皇太弟南  
池十六日丙申幸葛野川九月二十四日癸酉宴皇  
太弟於清涼殿具物用漢儀類聚國史紀畧國 二十七日丙子  
敕曰邊要之地外寇是防不虞之儲以糧為重今大  
軍頻出儲糧悉罄遺寇猶在非常難測若無貯蓄如  
機急何宜陸奧出羽兩國公解混合正稅每年相換  
給於信濃越後二國但年穀不登無物混合并有不

可得公解之人合隨狀移送依實相換停止之事宜  
待後敕類聚國史二十八日丁丑遊獵大原野類聚國史紀畧冬  
十月三日壬午奉幣名神賽豐稔稅紀畧四日癸未遊獵  
北野七日丙戌遊獵標原野二十四日癸卯遊獵栗  
前野類聚國史紀畧是月以遭風免筑後肥前豐前薩摩大  
隅租調十一月二十一日庚午敕夷倭之性異於平  
民雖從朝化未忘野心是以令諸國司勤加教諭而  
更乖朝旨不事存恤彼等所申經日不理含愁積怨  
遂致叛逆宜令播磨備前備中筑前筑後肥前肥後  
豐前守外等厚加教諭所申之事早與處今其事既



重不可輒決者言上聽裁若撫慰乖方令致叛逆及  
入京越訴者專當人等准狀科罪但不得因此令後  
百姓二十四日癸酉簡諸國介已上一人為夷俘專  
當是日遊獵水生野類聚國史二十七日丙子遊獵芥川  
野類聚國史是歲竹實紀畧  
五年甲午春二月己卯朔陸奧獲白雉八日丙戌遊  
獵栗前野十六日甲午幸交野類聚國史是日鵲鴿無  
萬數集陰陽寮枇杷樹紀畧十七日乙未遊獵交野十  
八日丙申遊獵水生野二十一日己亥進山城攝津  
河內守介等位賜四位已上衾侍從并三國掾已上

衣日已下及郡司綿有差是日車駕至自交野類聚國史  
紀畧二十七日乙巳敕曰水陸之利公私所共捕之不  
時物無繁育如今百姓好捕小年魚所獲雖多於物  
無用宜命山城河內大和攝津近江等諸國禁之唯  
四月以後不在禁限類聚國史二十八日丙午幸神泉苑  
夏四月二十八日乙巳幸左近衛大將藤原冬嗣闕  
院第類聚國史五月四日庚戌有鳥集太政官厨白身  
黑頭頂兩翻殊長足似水鳥紀畧八日甲寅詔賜皇子信  
弘常明皇女貞姬潔姬全姬善姬源朝臣姓類聚國史十  
二日戊午幸神泉苑十八日甲子以俘囚亂免出雲



意宇出雲神門三郡未納稅類聚國史紀畧是月有蟲蠹柏

原山陵樹枯紀畧六月丙子朔始供御贖物以為永式

公事根原是日中務卿萬多親王右大臣藤原園人等上

新撰姓氏錄按姓氏錄奏表係弘仁六年七月二十日今從紀畧三日戊寅神

泉苑北垣無故自墮是日賑京師飢民十九日甲午

楔於鴨川紀畧二十三日戊戌禁國司恣改造館舍代

格秋七月十二日丁巳以新錢一千貫中官鐵一千

錠分施諸大寺類聚國史十六日辛酉幸葛野川類聚國史紀畧

二十一日丙寅免大和河內連租類聚國史閏月六日庚

辰幸神泉苑十二日丙戌復幸二十七日辛丑遊獵

北野二十九日癸卯美作獻白雀八月十一日甲寅

幸皇太弟南池類聚國史紀畧十八日辛酉大和八島寺出

嘉木一莖十八穗紀畧二十五日戊辰遊獵北野二十

六日巳巳遊獵粟栖野類聚國史紀畧二十九日壬申詔曰

頃年以降春耕候花不僭濯枝之潤秋稼垂穎可餘

栖畝之糧宜悉天下國宰相明加檢校奉官社幣帛施

給高年僧尼及耆老鰥寡孤獨不能自存者紀畧是月

修藥師法於太政官院七日類聚國史九月十五日戊子

奉幣名神以報豐稔紀畧二十七日庚子遊獵粟前野

類聚國史紀畧癸卯晦渤海來貢紀畧冬十月十日癸丑遊獵



水生野

類聚國史紀畧

二十七日庚午太宰府言新羅辛波

古知等二十六人投化

紀畧

十一月九日辛巳以遭賊

亂及供蕃客免出雲田祖二十二日甲午遊獵并川

野十二月二十日壬戌又獵并川野

類聚國史紀畧

六年乙未春二月十七日巳未行幸交野二十三日

乙丑還宮

類聚國史紀畧

三月癸酉朔制蕃國之使入朝有

期客館之設常須牢固宜令彈正臺及京職檢校

紀畧

十九日辛卯敕曰軍用之要以馬為先今聞權貴之

家富豪之輩通使遣邑求馬夷狄部內因其不肅兵

馬所以闕乏宜依延曆六年格禁買陸奧出羽二國

馬但馱馬不在禁限

類聚國史

夏四月十一日壬子幸神

泉苑二十二日癸亥幸近江滋賀韓崎皇太弟從之

過崇福寺禮佛更過梵釋寺遂御舩泛湖國司奏風

俗歌舞五月十四日甲申薩摩蝗免調庸田祖

類聚國史

畧紀六月三日壬寅令畿內及近江丹波播磨等國植

茶每年獻之

類聚國史

秋七月七日丙子幸神泉苑十三

日壬午立夫人橘氏為皇后

紀畧

夫人多治比高子為

妃

類聚國史

二十四日癸巳幸神泉苑二十五日甲午詔

曰天生黎元樹之司牧所以阜財利用化成天下是

以欲濟弊俗達且不已思使農夫有稔熟之歡婦切



無杼軸之歎而去五月以降雨水逆溢田疇不修夫  
百姓不足君孰與足宜俾左右京畿內無出今年田  
租類聚國史紀畧八月己亥朔日有食之三日辛丑遣使祈  
晴伊勢賀茂畧紀二十六日甲子遊獵北野九月二十  
六日癸巳遊獵大原野類聚國史紀畧自五月至是月霖雨  
諸國被害冬十月三日庚子安房獻蘆長三丈圍一  
尺畧紀二十五日壬戌遊獵栗前野類聚國史紀畧是日敕定  
婦人服飾乘車制畧紀十一月二十一日丁亥敕每歲  
孟冬斷奏死刑不得延及春月類聚國史三代格二十八日  
甲午遊獵水生野十二月十七日癸丑遊獵芥川野

是歲以頻年不稔免太宰府管内諸國田租限三年  
類聚國史紀畧

七年丙申春正月丁卯朔以雨廢朝二日戊辰御大  
極殿受朝賀類聚國史紀畧二十五日辛卯雨沙畧紀二十六  
日壬辰遊獵栗前野類聚國史紀畧二月丁酉朔日有食之  
畧紀十六日壬子辛亥野二十日丙辰遊獵水生野是  
日至自交野二十五日辛酉幸典侍小野石子長園  
第二十七日癸亥幸嵯峨別館二十八日甲子以修  
禁宮遷御辨官曹司三月二十七日壬辰命左右近  
衛射隨中賜錢夏四月六日辛丑幸神泉苑命左右



近衛射隨中賜錢類聚國史紀畧十四日巳酉先是天皇受  
史記於外從五位下勇山文繼至是而畢因授從五  
位下類聚國史紀畧二十五日庚申還宮類聚國史紀畧六月二十六  
日庚申幸大堰二十八日壬戌神祇官奏伐高畠山  
陵樹崇見卜兆敕曰朕情所敬唯在山陵而有司不  
勤督察致斯咎徵求之國典其刑非輕自今以後嚴  
加禁斷秋七月二十日癸未敕風雨不時田園被害  
此則國宰不恭祭祀之所致也今聞今茲青苗滋茂  
宜敬神道大致豐稔庶俾嘉穀盈畝勅元般富宜命  
畿內七道其官長清慎齋戒奉幣名神禱止風雨莫

致漏失

類聚國史

八月二日乙未奉幣大神宮

類聚國史紀畧十

六日巳酉大風羅城門倒諸國亦多被害

類聚國史紀畧二十四

日丁巳幸冷然院二十七日庚申幸嵯峨別館

類聚國史紀畧

紀畧是日信濃言去年不登國內食乏請穀一萬斛交

關高布以救窮弊許之

類聚國史

二十八日辛酉復幸嵯

峨九月四日丙寅天皇不豫六日戊辰奉幣大神宮

以賽大風之禱九日辛未以不豫停節冬十月八日

巳亥地震

類聚國史紀畧

十三日甲辰太宰府言新羅清石

珍等一百八十人歸化

類聚國史紀畧

十二月壬辰朔中納言巨

勢野足罷右近衛大將以參議文室綿麻呂兼右近



衛大將補是歲僧空海創金剛峯寺於高野山皇紀

編年記  
性靈集

八年丁酉春正月二十五日乙酉遊獵芹川野類聚

紀二月辛卯朔日有食之紀九日巳亥遊獵瑞野類

國史紀畧十五日乙巳太宰府言新羅金男昌等三十三

人投化紀十七日丁未幸交野二十日庚戌還宮夏

四月三日壬辰幸冷然院類聚國紀二十二日辛亥太

宰府奏新羅遠山和等一百四十四人投化閏月十

六日乙亥幸嵯峨別館六月二日庚申祈雨室生山

紀四日壬戌使天下諸國祈雨紀畧祈雨日記秋七

月十七日甲辰幸大堰類聚國紀攝津言海潮暴溢漂

没二百二十人紀八月十七日甲戌遊獵北野九月

十三日巳亥天皇御馬埒殿賜侍臣物二十五日幸

亥遊獵大原野冬十月丁巳朔施調綿一萬三百屯

于七大寺常住僧二十二日戊寅遊獵栗前野二十

三日巳卯遊獵水生野十一月二十三日戊申又遊

獵水生野類聚國紀畧二十五日庚戌大雪賜左右近衛

綿紀十二月十三日丁卯地震十四日戊辰遊獵芹

川野十八日壬申地震二十日甲戌又震類聚國紀畧

九年戊戌春正月十三日丁酉太宰府奏新羅張春



等十四人來獻驢紀畧二十四日戊申遊獵并川野二

月七日辛酉遊獵栗前野十六日庚午幸交野十九

日癸酉還宮二十八日壬午幸神泉苑類聚國史紀畧三月

十九日壬寅公卿奏頃年水旱相繼損害不少請省

臣下封祿暫助國用俟年豐稔即復舊例許之二十

三日丙午詔改朝會之禮及常所服又卑逢費而跪

等不論男女一依唐法五位已上禮服諸朝服之邑

衛仗之服皆緣舊例不可改張紀畧是春大疫天皇親

書金字心經使僧空海慶讚禳之著聞集夏四月十三

日丙寅遣使京畿名神祈雨二十二日乙亥奉幣大

神宮使諸大寺及畿內諸寺轉經禮佛以祈雨二十

三日丙子詔曰去年秋稼焦傷不收今茲新苗播殖

望絕朕之不德百姓何辜今黃畏天威茲避正殿分

使奉幣徧於群神其朕及后服御常膳等並宜省減

左右馬寮秣穀一切權絕仍令左右京職收葬道殣

掩骼埋胔人民飢困特加賑贍狴犴之中恐有冤者

宜令所司申慮放出又詔比者陰陽愆候炎旱淹旬

起自今月二十六日迄二十八日朕及公卿百官一

皆素食歸心覺門凡厥僧綱精進轉經以副朕懷紀畧

是日太秦公寺災類聚國史紀畧二十四日丁丑河內飢賑



恤之二十六日己卯遣使柏原山陵祈雨二十七日  
庚辰改殿閣諸門號皆題榜是日以旱講仁王經於  
前殿紀畧五月二十三日乙巳置齋院司類聚國史紀畧六月  
癸丑朔日有食之秋七月三日乙酉讚岐牛生兩頭  
犢紀畧七日己丑以旱停節類聚國史紀畧十四日丙申遣使  
貴布禰及室生山龍穴祈雨紀畧是月相模武藏下總  
常陸上野下野等國地震山崩百姓壓死不可勝計  
類聚國史八月十九日庚午遣使諸國巡省地震處處詔  
曰朕以虛昧欽若室圖撫育之誠無忘武步王風猶  
鬱帝載未愆咎徵之臻此焉特甚如聞上野等境地

震為災水潦相仍人物凋損雖云天道高遠不可得  
言固應政術有虧致茲靈譴自貶民瘼職朕之由薄  
德厚顏愧于天下靜言歆咎實所興歎豈有民危而  
君獨安子憂而父不念者哉所以殊降使者就加存  
慰其有因震潦而居業蕩然者使等與所在官司同  
斟酌量免今年租調并不論民夷以正稅賑恤助修屋  
宇使免飢露壓沒之徒速為斂葬務盡寬惠之旨副  
朕之心類聚國史紀畧二十五日丙子令畿內及京戶租入  
停錢收稻類聚國史二十八日己卯遊獵北野九月十日  
辛卯詔曰受上天之命者其道貴於愛民處皇王之



位者其切先於濟物用能屈已以從人欲修德以答  
靈心盱日勿休乙夜忘寢而智不周物誠未動天至  
和者虧咎徵頻應比者地震害及黎元吉凶由人妖  
不自作或恐漫汗乖越方失毗心降茲厚譴以警勗  
歟畏天之戒不違寧處決之龜筮時行告咎昔天平  
年亦有斯變因以疫癘宇內凋傷前事不忘取鑒不  
遠竊惟佛旨冲輿大悲為先理無微而不矜義無遠  
而不濟又拔除疾病抑有前典宜令天下諸國設齋  
屈僧於金光明寺轉金剛般若波羅密經五日兼遣  
使修禳除去不祥又畿內七道諸國上言弘仁八年

以前租稅未納者一切停徵其左右京民租去年已  
徃有懸負者不論上言不上言亦從原免庶幾冥道  
垂鑑塞患源於末流顯路提福拔疾根於將樹儻咎  
歸一已人無歿折欲移其災非志所避周文罪已實  
所仰止謂予不信有如皦日十一日壬辰奉幣大神  
宮祈除疾疫類聚國史紀畧冬十月九日己未以祈雨有應  
賽費布禰社紀畧二十四日甲戌遊獵粟前野類聚國史紀畧  
二十七日丁丑施綿一萬屯於七大寺常住僧按類聚國史係八年十月丁丑然去年十月丁巳朔調綿一萬  
三百屯施七大寺一月再施疑不應然今從紀畧  
十一月辛巳朔鑄新錢文曰富壽神宝五日乙酉治



部卿坂本親王薨

紀畧

十二月十九日戊辰右大臣兼

皇大第傳藤原園人薨

紀畧補任

是歲信濃長門筑前飢

並賑恤之

紀畧

十年己亥春正月庚辰朔以風寒廢朝二十六日乙

巳遊獵并川野

類聚國史紀畧

二月二十日戊辰公卿奏曰

頻年不稔百姓飢饉食廩空盡無物賑稟窮民臨飢

必忘廉耻臣等伏望遣使畿內實錄富豪之貯借貸

困窮之徒秋收之時依數俾償然則富者無失財之

憂貧者有全命之歡許之

類聚國史紀畧三代格

二十一日己

巳遊獵水生野賜水生村窮乏者米有差二十二日

庚午還宮二十五日癸酉幸神泉苑

類聚國史紀畧

三月己

卯朔有虹貫日

紀畧

二日庚辰山城美濃若狹能登出

雲飢敕曰倉貯已罄無物賑贍宜加借貸以救其急

班給之法准賑給例

類聚國史

十四日壬辰禁青麥食馬

畧又禁京畿賣麥敕曰去年不登百姓食乏至于夏

時必有飢饉救飢之儲不可不備職國承知宜加禁

斷

三代格

二十一日己亥詔復故夫人藤原吉子及伊

豫親王位號

紀畧

夏五月十七日甲午幸神泉苑

類聚國史

畧祈雨費布襦六月丁未朔日有食之四日庚戌給

京中窮弊者錢九日乙卯奉白馬於丹生川上費布



禰祈晴紀畧二十四日庚午幸葛野川類聚國史紀畧秋七月

二日戊寅奉黑馬於丹生川上祈雨十七日癸巳遣

使祈雨大神宮十八日甲午令十三大寺及大和定

額諸寺轉讀大般若經三日以祈雨二十日丙申京

師白龍見暴風雨損民屋自夏不雨諸國多被害八

月丙午朔太白晝見紀畧二十三日戊辰幸嵯峨院類聚

國史紀畧二十八日癸酉祈晴貴布禰紀畧二十九日甲戌

遠江相模飛驒國分寺災類聚國史乙亥晦祈晴丹生川

上紀畧冬十月二日丁未遊獵大原野十日乙卯幸冷

然院二十日乙丑幸交野二十四日己巳還宮類聚國史

紀畧十一月三日丁丑薩摩蝗免祖類聚國史二十日甲午

渤海來貢紀畧二十二日丙申遊獵栗前野二十六日

庚子遊獵芹川野類聚國史紀畧十二月乙巳朔日有食之

六日庚戌申禁竭池捕魚紀畧是歲敕大納言藤原冬

嗣中納言藤原緒嗣等修日本後紀類聚國史所載本書序

十一年庚子春正月二十六日己亥遊獵栗前野閏

月二十二日乙丑遊獵芹川野類聚國史紀畧二十四日丁

卯安四天王銅像於近江梵釋寺二月五日丁丑改

釋奠日用仲丁紀畧十三日乙酉以滯賑貸河內乏絕

戶類聚國史十四日丙戌配遠江駿河新羅人七百人反



殺州民焚廬舍州發兵討之不克賊遂掠伊豆穀逃  
入海發相模武藏等七國兵討平之十七日巳丑遣  
使作大和高市郡泉池紀二十日壬辰幸交野類聚  
紀三月六日丁未賑給京師飢民紀夏四月七日戊  
寅以七道諸國凡已上為夷俘專當按四年十一月  
命也九日庚辰詔曰損上益下民悅無疆施舍已責  
王政攸費頃者水旱不適年穀不登家無京坻之儲  
戶有菜蔬之色一日餒乏事等三秋眷言思之情汲  
恤隱其天下百姓所負租稅未納及調庸未進者左  
右京畿內弘仁十年以前七道諸國九年以前並不

論多少咸宜蠲除或未上言無由追徵并去年借貸  
貧民逋負未報者亦免之佛寺之稻亦宜准此雖府  
帑未充國度多遺而子富父貧未之有也務存優允  
稱朕意焉類聚國二十六日丁酉和泉飢賑之二十  
七日戊戌唐人李少負等二十人漂著出羽紀五月  
四日甲辰敕收養路傍飢病三代是日新羅李長行  
等獻殺獺山羊鵝十日庚戌讚岐旱賑給之紀六月  
十七日丁亥幸冷然院類聚國二十六日丙申奉幣  
名神祈雨二十七日丁酉以旱使諸國轉讀大雲經  
紀秋七月九日巳酉敕曰去天平神護二年九月天



下勸課百姓種大小麥今聞黎民之愚既而不顧至  
有絕乏徒若飢饉或雖耕種既失其時空費功力還  
不得實是則國郡官司不慎格旨授時乖方此而從  
政誰謂善吏月令云仲秋之月乃勸種麥毋或失時  
其有失時行罪無疑宜自今以後始自八月勸令播  
種不得失時三代格十二日壬子幸葛野川類聚國史紀畧八  
月五日甲戌免因幡伯耆石見安藝未納稅國史七  
日丙子幸北野十日己卯幸神泉苑十七日丙戌幸  
冷然院九月二十五日甲子幸大原野二十七日丙  
寅幸北野冬十月十日己卯施綿一萬五百屯於內

供奉十禪師及七大寺僧類聚國史紀畧十一月詔曰弘仁

八九年間水旱不登府庫稍耗聽公卿議暫割五位  
已上封祿四分之一以均公用如今五穀頗熟支用  
可均宜封等數復之舊例於是公卿上表請御膳後

常紀畧

十二年辛丑春正月五日壬寅定刑法斷例十條紀畧

九日丙午以大納言藤原冬嗣為右大臣兼左近衛

大將如故補任二月十一日戊寅敕賜民百歲已上穀

四斛九十已上三斛八十已上二斛七十已上一斛

國司次官已上巡行鄉邑親自稟給紀畧夏四月五日庚



午常陸筑波郡女子一產三子賜稻三百束類聚國史紀畧

五月十一日丙午播磨民掘地獲一銅鐸高三尺八

寸徑一尺二寸六月五日己巳祈晴費布襴丹生紀畧

秋八月三日丙寅敕奉幣名神祈年穀無風水害類聚

國史紀畧十八日辛巳奉幣名神賽豐稔紀畧九月六日己

亥幸右大臣藤原冬嗣第冬十月二十四日丁亥詔

曰頃者陰精失候坎德成災河內國境被害尤甚秋

稼以之淹傷下民由其昏墊朕今即事經歷斯地觸

目增憂兆庶何辜其被害諸郡賜彼三年尤貧下者

去年負租稅未報及當年租稅亦蠲除之其山城攝

津兩國地勢大牙與此相接見此知被害必汎濫濱

水百姓漂失資產者勿出今年租稅凡被害貧窮量

加賑給類聚國史紀畧十一月二十三日乙巳渤海來貢十

二月二日甲子復置畿內諸國博士醫師紀畧三是

歲建真言院於東大寺紀畧

十三年壬寅春正月二十五日丁巳遊獵北野二十

七日己未遊獵芥川野二月八日己巳遊獵栗前野

類聚國史紀畧十七日戊寅制五位己上高年者但賜節祿

不預朝會類聚國史二十一日壬午遊獵水生野二十二

日癸未遊獵芥川野二十九日庚寅幸神泉苑類聚國史



紀 三月十四日乙巳公卿奏曰臣聞洪範八政以食  
爲首帶甲百萬非粟無守故先王制政務充倉廩往  
哲垂規期乎足食然則儲積者治國之大要安民之  
急務也豫無儲備恐致闕乏謹檢去天平神護二年  
二月二十日敕書備夫蓄貯者爲國之本宜運近江  
近郡穀五萬斛貯納於松原倉者伏望准據舊例運  
近江緣江諸郡穀收穀倉院奏可紀畧三夏四月辛  
酉朔日有食之紀畧十八日戊寅幸冷然院類聚國五  
月十三日壬寅石見飢賑恤之紀畧本書脫五月秋  
七月二日庚寅制曰頃日炎旱涉旬田苗枯損夫引

水溉田皆從下始灌溉之事先貧後富是則法令立  
文時制所明人情暴慢猶犯典禮漑用偏頗爭訴良  
繁宜重下知特加禁制類聚五日癸巳遣使畿內諸  
國祈雨紀畧六日甲午詔曰間者嘉雨霽應炎旱淹旬  
奉幣群神無攸感詩不云乎旱旣太甚憂心如熏朕  
并皇后服御物宜從省徹八日丙申以新錢一百貫  
班給諸王貧者類聚國山城飢紀畧甲斐疾並賑恤之  
類聚國是日公卿奏請復減五位以上封祿許之十  
七日乙巳新羅人四十口歸化紀畧八月戊午朔以災  
害頻臻年穀不登於諸國國分二寺悔過七晝夜兼



修清神社類聚國史紀畧九月二十七日甲寅遊獵北野冬  
十月八日甲午幸河陽宮遊獵交野十一月丁巳朔  
且冬至百官表賀二十四日庚辰赦天下賜物有差  
類聚國史紀畧共脫千支今據詔久補之詔曰神功不宰萬物藥其遂生  
聖德無外億兆悉其藏用故能光宅區宇經緯陰陽  
大庇生靈闡衍揚鴻烈朕以眇身忝膺司牧履薄乘  
奔常懷祗懼比有司奏備今年十一月朔且冬至終  
而復始得天之紀灰飛寒律節動微陽踐長之慶非  
無故實延祚之義柳有前聞朕之寡德何獨當仁思  
與天下同享斯福庶施恩榮於赤縣答靈貺於蒼天

二十七日癸未遊獵瑞野類聚國史紀畧

十四年癸卯春正月五日辛酉有星孛于西南紀畧十

九日乙亥號東寺曰教王護國寺以僧空海為長者

皇紀要記弘法行狀要集抄引行狀記按元亨釋書  
塩囊抄並云兼和三年始以實慧為東寺長者而東  
寺長者補仕云長者空海是長者之始也但不記年  
月皇紀要記與此同而其年月日與行狀記合故今  
從之二十日丙子鑿益田池紀畧二十八日甲申遊獵并  
川野類聚國史紀畧二月丙戌朔賜兩京飢民錢紀畧十二日  
丁酉遊獵栗前野類聚國史紀畧二十六日辛亥號比叡山  
根本中堂曰延曆寺皇紀要記天台座二十八日癸  
丑幸無品有智子內親王山莊是月天下大疫死類聚



國史 三月丙辰朔割越前江沼加賀二郡置加賀國  
紀畧 皇紀 八日癸亥修藥師法於東大寺以禳疫氣  
三代格 要錄為正月事 十六日辛未京師米價騰貴  
東大寺類聚國史紀畧 出穀倉院穀一千斛減價賣與貧民  
今從類聚國史紀畧 日丁丑賑給穀倉院穀於京師飢民  
畧 夏四月十日  
甲午天皇遷冷然院十六日庚子御前殿引皇太弟  
親諭曰朕本諸王子也初望不及於此太上天皇曲  
垂褒飾超登儲貳遂遜位於朕躬辭不獲免日慎一  
日未幾而身嬰疾疾萬機壅滯朕始有歸閑之志今  
右大臣藤原園人奉還神璽太上天皇不允所請當

此之時有小人之言令太上天皇與朕有隙公卿相  
議遂君側群小太上天皇不察愚歛有入東之計群  
臣懼社稷不安遣兵邀之朕於赤心有如皦日朕以  
寡昧在位十六年此按天皇在位實十五年而太弟與  
朕春秋亦同朕雖乏知人之鑑與太弟周旋年久太  
弟之賢明仁孝朕之所察仍欲傳位於太弟已經數  
年今果宿心宜知之皇太弟避座而跪言臣以闇劣  
疏汎天潢昔屬世阨險自謂不免於禍會逢聖明更  
同再生幸莫大焉何所後望而陛下殊獎忝茲儲貳  
然身有犬馬之病不堪養桃之狀屢語右大臣戰戰



兢兢得到于今爾今復以大室俯授愚蒙心魂迷惑  
不敢兼敕天皇不許乃曰今日以前朕遇太弟猶子  
今日以後太弟遇朕亦猶子耳皇太子太弟遂即位是為  
淳和帝乃立正良親王為皇太子天皇使權中納言  
藤原三守齋書辭之其式一同上表淳和帝不敢當  
即令三守奉還其書乃上尊號曰太上天皇天皇致  
書於淳和帝固辭尊號不從爾後太上天皇以別於  
平城帝九月幸嵯峨莊中納言藤原三守豫奏於淳  
和帝即敕有司設御輿及仗衛天皇辭之帝苦請再  
三天皇唯御馬却前驅兵仗類聚國史紀畧天長二年十月

遊獵交野左大臣藤原冬嗣從焉淳和帝遣中納言  
清原夏野并藏人三人供奉十一月淳和帝賀天皇  
四十第十年皇太子登祚是為仁明帝淳和帝受尊  
號因稱天皇曰先太上天皇兼和三年二月遊獵交  
野四年十月又獵交野九年七月天皇不豫十五日  
丁未崩于嵯峨院年五十七遺詔曰余昔以不德久  
忝帝位夙夜兢兢思濟黎庶然天下者聖人之大室  
也豈但愚戆微身之有哉故以萬機之務委於賢明  
一林之風素心所愛思欲無位無號詣山水而逍遙  
無事無為翫琴書以澹泊後太上天皇陛下寄言古



典強我尊號再三固辭遂不獲免生前爲傷沒後如  
何因茲除去太上之葬禮欲遂素懷之深願故因循  
故事別爲之制名曰送終曰夫存亾天地之定數物  
化之自然也送終以意豈世俗之累者哉余年弱冠  
寒病嬰身服石變熱頗似有驗常恐夭殤不期噤口  
無言是以畧陳至志凡人之所愛者生也所傷者死  
也雖愛不得延期雖傷誰能遂免人之死也精亾形  
銷魂無不之氣敬屬於天體歸于地今生不能有堯舜  
之德死何用重國家之費故桓司馬之石槨不如速  
朽楊王孫之羸葬不忍爲之然則葬者藏也欲人之

不得見也而重以棺槨繞以松炭期枯腊於十載留  
久客於一壙已乖歸真之理甚無謂也雖流俗之至  
愚必將笑之豐財厚葬者古賢所諱漢魏二文是吾  
之師也是以朝死夕葬夕死朝葬作棺不厚覆之以  
席約以黑葛置於床上衣衾飯含平生之物一皆絕  
之歛以時服皆用故衣無更裁制不加纏束著以牛  
角帶擇山北幽僻不亾之地葬限不過三日無信卜  
筮無拘俗事謂謚誅飯含咒願夜刻須向葬地院中  
之人可著喪服而給喪事天下吏民不得著服而供  
事今上者一七日之間得服衰經過此早釋擇其近  
臣出入



臥內者應著素一切不可哀臨挽柩者十二人秉燭  
服除亦准此者十二人並衣以麤布從者不過二十人謂院中近習者男  
息不在此限婦女一從停止穿坑淺深縱橫可容棺  
矣棺既已下不封不樹土與地平使草生上長絕祭  
祀但子中長者私置守冢三年之後停之又雖無資  
財小有琴書處分具遺子戒又釋家之論不可絕棄  
三七七七各麤布一百段周忌二百段以斯於便寺  
進福佛布施細綿十化裹不可配國忌每至忌日今  
上別遣人信於一寺聊令誦經布綿之數同上齊終一身而  
休他兒不效此若不從此是戮屍地下死而重傷魂

而有靈則寃悲冥途長為怨鬼忠臣孝子善述君父  
之志不宜違我情而已他不在此制中者皆以此制  
以類從事十六日戊申定山陵按延喜式不載山陵蓋遺詔薄葬故無陵  
名以高布二十段錢一千貫文充葬費即日襄事續  
本後紀彌曰嵯峨天皇天皇好遊幸數在嵯峨離宮或  
有政事設空位於朝堂使五位藏人居其側聽群議  
以奏此職事之所由置也續古事談



天保九戌戌年冬十二月三日謹書寫之

中村萬喜直道



